

宜黃縣志卷二十二

人物志

嘗怪樂子正寰字記於撫州人物直注曰無而後此
紀載家卽以樂氏爲人物稱首嗣是如晏如曾如王
皆一門濟美彬彬稱盛豈宋以前川嶽之精英蘊而
不發歟蓋經五季擾攘之餘文獻無徵矣稽吾邑舊
志所載文章經濟代有傳人其他或窮愁著書不祈
聞達於當世或立名砥行力求無愧於古人或天性
肫摯而孝養不衰或英風激烈而捐糜勿恤皆足以



扶植綱常興起頑懦今更蒐採百年以來事蹟卓有可紀者綜而錄之以見前節遺風尚有嗣音云

南唐

胥士隆先世長沙人後徙居仙二都黃墳鎮是時宜黃尙隸崇仁赴縣遙阻民甚苦之士隆請於南唐後主創縣便民又以祖太山侍御所遺基址捐造縣治時宋太祖開寶元年也會世運屢更兵燹之餘雖子孫亦莫得其故洪武十七年秋水東顯陽寺燬於火人於遺像中得士隆禱佛開縣青詞載當時創造顛末

甚悉見雜記

王志義俠傳

宋

樂史字子正崇賢鄉霍源人母夢異人令吞五色珠而

生有文辭初任江南爲秘書郎宋太宗朝舉進士佐

武成軍上書言事擢著作佐郎知陵州獻金明池賦

召爲三館編修遷著作郎直史館轉太常博士知許

黃二州又知商州積官至職方員外郎卒年七十八

嘗編寰宇記二百卷其他雜編又四百九十餘卷自

爲文百卷子黃目

謝通志山東都事畧詳見宋史樂黃目傳載入藝文志

胥正倫諱品以字行祖元藻西蜀人唐末知南豐時邑屬崇仁悅仙二都山水類蜀因家焉公博學強記文章典雅善談論性剛介未嘗少屈登端拱二年進士任太平軍司理叅軍投武陽丞淳化中郡民因饑剽掠太守不能制公獨撫諭移文鄰縣均濟咸平中任處州軍事推官州民章成豪橫不法結無賴爲鄉里患公到任密偵其動止擒之按問得實杖殺於市籍其家免脅從者自是豪猾屏息擢大理卿因不釋國戚侯紹之罪出爲建州悴卒弟正平同榜仕至太常

丞

王志名臣傳

樂黃目字公禮舉進士知壽安縣上書言邊事真宗召對除直史館知浚儀縣歷度支鹽鐵判官遷太常博士京西轉運使父卒起復使契丹還爲廣西轉運使改陝西陳堯咨知永興好以氣陵人公求解職不許堯咨多縱恣不法詔公察之堯咨罷職徙知鄧州入判三司踰月拜兵部員外郎知制誥遷右諫議大夫知開封府仁宗升儲拜給事中兼左庶子坐事左遷左諫議大夫知荆南府復爲給事中徙潭州代還求

外任得知亳州卒年六十五公性深沉爲吏以靜勝飾以文雅有文集五十卷雜編六十卷

謝通志出東都事畧詳見

宋史本傳載入藝文志

侯叔獻字景仁崇賢鄉人少卓犖有大志臨事慷慨不可沮奪弱冠遊上庠有文聲凡月書季攷一不在優列則撤榻損膳激其志氣以自勵慶厯六年成進士調開封府雍邱尉屢獲巨盜當遷秩公曰殺人求賞非所欲也爲桐廬令邑中無賴犯法舊輒籍之公召與約曰富而恃資強而恃力狡而恃能官而恃蔭以

侵欺吾民者將盡去之唯能改前非則當削其籍衆皆竦服郡有兄弟爭財者久不決通守張伯玉以屬公株連四十餘人公愀然變色誨以天倫之理皆感泣而去獄有大辟數人當歲暮泣告曰有父母在願得一見死無恨公曰此天理也與之期而遣之舉縣皆驚駭公獨怡然囚果如期而至督租則預揭於門某人某日當至及期來惟恐後公爲政務以德化人而不亟於撻罰有爭辯至庭先以理開諭之不服然後刑之所至姦吏屏息豪民斂縮遷秘書丞賜緋召

見上知公政聲俾居條例司議法法成爲淮南提舉
又易兩浙將行建議以爲畿內之地可因樊水淤漑
以成良田上然之卽以提舉淤田司兼都水監丞公
相地形度河勢引樊山之水以灌其地不五六年成
田四十萬頃上乃賜淤田十頃又請開白溝河備三
十六陂及京索二水遷尙書工部員外郎除北河水
陸計度轉運繼除判都水監遷兵部員外郎公乃開
白溝刀馬自盟三河及廢朝宗開闢大湖立新堤開
直河者二千餘里上憫其勞特詔獎諭曰古人所謂
克勤於邦盡力乎溝洫於卿無愧公初爲尉時與管
界巡檢相善約寇警卽相報一日有強盜經其邑公
盡擒之法當賞乃嘆曰勢急不能相報巡檢豈以我
爲負約邪竟不受賞在泥縣時有李誠沒官田一段
地大而腴估價一萬五千緡乃誠爲酒務專知時以
汴水溢損官物五千貫籍田以償買魏公當國欲添
爲二萬貫買之命陳道古諭意公嘆曰誠之無辜相
國縱未能以此田給其子孫莫若損五千貫俾其家
買之爲便道古大驚還報相國公乃召誠孫俾買其

田孫以貧辭公又召見佃戶率錢借之其孫卒得田
為監丞時發泚堤淤田泚水暴至下流堤陷將毀人

力不可制公相視其上數十里有一古城遂發泚堤
注水入古城中下流遂涸急使人治堤陷次日古城

中盈泚流復行而堤陷已完矣徐塞古城所決衆皆
服其機敏後以勤感疾卒於揚州之光山寺年五十

四上聞之輟朝一日賻其家官其子王文公欲銘其
墓會都水淤田頃畝數未具不果時人惜之王志名臣傳

按通鑑綱目熙寧二年五月從三司條例司之請公與劉晏謝卿村程顥盧秉王汝翼曾仇王廣廉八人

分行諸路相度農田水利賦稅科率徭役利害舊志失考○按宋史地志無泥縣京東路濮州有范縣泥恐范之訛又宋李昌齡樂善錄載叔獻為范縣令復李田事極詳汜亦恐范訛或即京西孟州汜水縣歟

劉迂字漫翁號巢松隱居不仕文章敏贍自成一家凡
百氏釋老之書皆精究朱陸諸儒會鷺湖嘗以詩請

益於理學有所得所居號雲月高齋李雁湖嘗有詩
贈之年八十餘無疾一日沐浴焚香而卒有文集尤志

鄉賢傳○按白土寺普惠禪師碑陰稱進士劉迂舊志失考

戴琳字伯淳崇賢鄉黃陂人博學績文尤喜賦詩性剛

介嚴厲慶厯戊子與其弟經臣同領鄉薦皇祐壬辰

再領鄉舉連紐禮部遂棄場屋無復仕進意林泉自樂行誼著聞縉紳稱之曰靜逸先生有文集行於世

王志儒

林傳

戴經臣字成叔登皇祐元年第攻苦力學持身廉介不

附勢以媒進官至屯田員外郎

尤志名臣傳

劉蒙字資深一字資明治平二年進士授南雄州司理

歷平陽武城霍邱三縣令熙寧中淮甸大饑霍邱民

賴以全活者衆司馬溫公薦爲御史臺主簿通判邵

州知永州歷廣東提舉湖北運判廣西提刑官至朝

議大夫爲人清潔不可干以私居家友愛所得蔭補

先二弟而後二子鄉里稱之

尤志鄉賢傳

鄒極字適中邑西人自幼不羣長知書卽能文治平丙

午首鄉薦明年第進士司馬光韓維典選擢公丙科

與太史黃庭堅聯名初任吉州泰和簿遇事輒解無

留難檄攝郡篆又攝永新令戢姦鋤盜吏畏民懷再

轉爲衡州茶陵丞政績著聞時荆國王文公秉政召

至闕謂其才可試俾權審官主簿遣視河北推塲利

害更法去弊皆合意除開封府界提點司勾當公事

修治常平免役法以惠畿郡公計畫居多元豐二年
入爲御史臺推直官三年權發遣提舉江南東路常
平事六年權荆湖南路轉運判官時朝廷方舉鹽政
公報議不合言者指爲不奉法罷歸公不辯事久而
明七年入爲尙書戶部度支員外郎數見執政議事
多齟齬慨然曰吾親老樂里居其可久處省部邪於
是力請補外除提點江南西路刑獄潁濱先生知制
誥爲之行詞時元祐初年也適廣東妖賊岑操反圍
新州經畧張昇卿遣童政郭昭昇討之政等沿途說
人百姓訴冤朝廷使傅燮體量燮畏權勢歸罪新州
官吏又言官吏有守城功乞以功過相除燮亂事情
如兒戲於是蘇軾王覲呂陶相繼論奏詔公於處州
置院按罪以聞公不畏強禦不受囑託獄成上之童
政伏誅郭昭昇決配沙門島未幾公丁外艱服除乞
開得管勾洪州玉隆觀秩未滿遂致仕時年四十九
精力方壯挂冠勇退疏泉植果日與賓客放懷邱園
不復以榮辱利害嬰其心紹聖元年召公爲戶部官
將任以劇職公辭以親老不願仕上從之載在國史

會要大觀元年卒贈朝奉大夫戶部侍郎蔡君厚誌其墓所著有宣川文集三十卷子四人永年永功實

黨永年以父恩補官餘子孫世守儒業不絕王志名臣傳

涂濟字時甫以子貴贈朝請郎贊治少尹先世自豫章

徙家宜黃石麓築書室於石碧禮高儒先達課子弟

講肄其間由是五子大任大琳大經大節德明相繼

登進士第時以五桂名堂大琳司杭州士曹不諂權

貴會太守蔡巖判事多為韻語厨傳後費大琳裁抑

規正之忤其意遂解官濟弟湛之子光大孫四友亦

登第詩書章逢繩繩不絕大經別有傳尤志儒林傳

張顯張頌邑南人景德之子母李氏病顯頌同割股和

藥飲之病遂愈事聞於上為立孝感坊其後有張克

銘克鍾兄弟亦割股救母院給孝行可風扁尤志孝子傳

杜子野鹿岡人熙寧六年特奏名王荆公嘗師之荆公

為相公見之即第荆公問所欲指壁間顏魯公所書

東方朔像贊碑搨本欲得之荆公曰此何足貴顧石

碑在德州可致也於是輦至臨川併以金遺之公受

碑而返其金卒後祀鄉賢孫育德字華國一字元振

性清介博覽羣書紹興五年進士終廣昌令

王志儒林傳

鄒餘字損道崇鄉人元豐五年進士再調通城令邑多豪猾皆畏服不敢犯法嘗曰按簿書督期會可以集事未可以治民遵法令平曲直可以治民未可以成俗成俗之原在學校乃增廣縣庠名講堂曰資深黃山谷記之知洛容縣民徭雜處臨以豈弟不假鞭笞民心頓革桂林宜陽有疑獄棘寺不能讞公一閱得其情滿去有德之者置白金茶盞中追餽於路公笑謝受茶一勛初識邢恕別後不通訊繼以恕薦召對上諭大臣曰近召見者皆尋常惟鄒餘却惺惺遂除監察御史建中靖國元年服除還朝出爲淮西提舉再入除侍御史所陳十餘事其一則辨晰元祐黨人他皆切治體大臣不樂遂奉祠歸卒年四十九

尤志鄉賢傳

鄒永年字天錫紹聖五年爲建昌南城縣尉時未析新城縣自義亭舖穿支徑四十里崖谷深邃林莽窈窕如行泉隧中不見人煙天日者十有五里姦人往往倚爲窟穴椎埋肢篋公聞其事曰清姦除盜吾之任

也明年季秋遂相便利而新之易險以平易幽以明
行人舒愉居人宴休因名曰鄒公新路東巖先生傳
權記其事後為松滋令山谷先生有詩篇往來載山

谷文集仕至奉議郎

王志名臣傳

涂大經石麓人後遷邑南慷慨慕古人風節以紹聖元
年進士任茶陵丞正月日食應詔言事請復元祐之
政坐是列邪黨不得仕於朝宣和末任南昌令水災
賑救有方辨五臺山僧寃全活甚眾遷秩一等十數
傳至國柱號印元子著漢唐宋後三代書皇鑒通紀

國盟著史幾古文哀異各十卷

尤志鄉賢傳

劉芑字資中朝議大夫蒙弟也累舉進士以兄恩補太
廟齋郎主衡山簿遷延州錄叅辟廣西經幹黎人寇
瓊州府公周種一以兵事委公公率軍士斬首為亂
者曾安化擊走宜州蠻寇羣蠻譚映反公往諭即降
王居桃亂南海鋒銳甚公襲斬之遠人畏服以比諸
葛武侯用是遷官至朝請郎移知惠州會霖潦城不
沒者兩版公分載民物寘水不及處圖籍兵仗無一
漂失事聞於朝賜詔獎諭移通判桂州官至朝散大

夫靖康建炎間闔門干指時形空匱歿之日家無十

金之儲

尤志名臣傳

李邠字子經一字元功仙桂渣浦人幼敏慧年六七歲日誦數千言諸子百家一覽輒記嘗赴科舉爲文援引浩博不能就有司程度少有大志著北事罪言三十篇大槩欲遷都建康先取山東關中爲恢復之計遍遊江淮謁諸闈見知於張于湖欲上之適值和議再講當路無主之者又試賢良不過遂退而著書不事家人產時人號爲書厨其所交遊若周平園楊誠齋謝艮齋何月湖陸放翁皆當世名公並引爲上客所著書有洛誦堂文集數十萬言藏於家參政眉山李公壁嘗跋其文云李子經博學強記文甚高余來臨川恨識之晚眉山注王文公詩先生修軀之功爲多今其詩刊於撫郡學有緯文瑣語誠齋爲跋周益公刊行於巴陵郡學其子夢白以春秋領三舉取高第仕至廣東提幹

王志儒林傳

唐元齡字朝瑞邑東人紹熙庚戌進士仕至廣州僉判

勞績方著遽致仕歸同寮作詩送之以比陶淵明有

雜著數百篇歸田志六經說藏於家惟九經講義行世廣帥監丞楊長儒特薦於朝曰唐元齡宜川老儒江西佳士窮經學古著書立言發明聖賢之奧旨正而不謫中而不偏其學術有足稱者至於仕途涉歷皆有可紀其爲廣州僉判也蠻徭爲變廣東一路民失其業兵不能制元齡偕經幹曾堯撫諭深入其阻五閱月黨類草心聽命渠魁束手就誅訖事而歸恪居官次畧無一語論功希賞引年告老安分知止恬退靜重其政事節行如此

王志

徐章字邦度邑南人博學善屬文尤喜賦詩性鯁介不徇流俗兩領鄉舉以子貴授官自號竹林先生子喬字用之領淳熙元年鄉舉歷官知賀州江西安撫司

叅議號止庵

王志儒林傳

胥作霖字澤民仙桂胥坊人儀狀豐偉白皙美鬚髯慷慨有大志抵掌論事累千百言詳練明達疊疊可聽嘗遊太學屢試不合浩然而歸紹興中盜據臨川里中惡少欲助亂作霖馳一介召集庭下以禍福諭止且發廩以周其急官軍大至盜奔建昌官吏捕逐黨

與礫諸城上無脫者少年感悟以手加額曰活我者
胥君也誓以死報未幾楊世雄擁衆數萬焚崇仁掠
宜黃境一方騷然公選可用者百餘人伐木柵隘口
伺其至則被髮持槌鼓譟而出世雄退舍三十里一
夕引去事聞於朝當路辟爲本縣尉不就雅好林泉
不樂仕進所居二水交流千嶂林立舍榜植竹千挺
引水環之葺竹爲亭與客觴讌以終老焉尙書孫覲
爲竹亭記曰以澤民之材小試於一鄉所立如此而
懷奇負氣恥於自售乃放浪山水之間復作詩美之

胥爲宜黃世族正倫暨弟正臣正平姪濟沆俱第進

士

王志義
俠傳

黃希字仲得一字夢得待賢鄉姑川人少明敏胸次洒
落博學嗜古有詩名號師心先生居家門無雜賓惟
文士至則劇談累日以乾道二年進士官承新令嘗
作春風堂於縣治楊誠齋爲之記有曰夢得之學奄
有古今江西閩中之士多從之遊同邑鄒非熊其高
弟也與鄱陽二洪爲文字交晚年詩宗少陵有補註
杜詩搜剔隱微皆前人所未到書未成而卒子鶴復

增益之重定年譜名曰黃氏補註杜詩今行於世鶴
字叔似自號牧隱有集名北窻寓言

王志儒
林傳

吳榮字茂卿邑東人乾道五年進士爲人廉介事親孝
通判南安軍屢攝郡有疑獄久不決卒平反之人稱
神明後叅議金陵制幕同列多爲進取討公獨曰非
吾志也謝病歸前後凡三爲令皆繁劇邑每語人曰
爲政之道平易近民而已歷仕四十年以循良稱居
鄉惻悞無華自號深簡老人官至奉直大夫子二人
領鄉薦孫炎嘉熙戊戌進士

尤志鄉
賢傳

晁百談字元默大中大夫詠之曾孫也淳熙中以宜籍
領甲午鄉薦乙未成進士後復遷於隴川之魁崇山
公師事陸象山明理學尤深於春秋初授吉州教授
與周益公爲文字交主管官告院時權臣開邊公輸
對言內修不可忽大舉不可輕當進剛正士以強本
朝句外知南康軍陞辭又以除戎器飭邊備爲言至
郡適旱蝗後首罷科率之令發粟寬征民無流徙會
奉祠杖屨遊廬阜所至賦詩集爲歸田雜著再起知
道州語人曰吾嘗慕元結爲春陵當使萬物吐氣但

老矣恐不得踐斯言也入仕四十年家無餘財有帶

川集二十卷 尤志名臣傳

劉名世淳熙二年進士紹熙二年知浮梁為政簡易民

安之自題云槐影已高公事少蒲鞭不試訟庭閒 羅府

志仕績傳

鄒非熊字宗望號竹巖宋東魯公天經裔也幼敏悟過

人受學於師心黃先生議論勁正文章典麗書法尤

工兩領鄉薦淳熙甲辰成進士調樂昌尉試吏之初

有苦素習上官委以難決之訟剖折咸得其當親獲

強寇不願推賞修復石渠之利以溉民田既去邑人

思之諸司以其才力有餘奏辟曲江令公一意撫摩

周恤民隱無曠職無滯訟為韶州平反獄事活死囚

十有二邑人刻石作記改任宜章邑居嶺嶠間最為

難治公勤敏以臨政慈惠以撫民催科勿擾輸將恐

後值歲荒歉盜賊竊發欲為亂公相其機宜隨其緩

急預為之備事機無失以潭帥丞相余公特薦侂序

陽盡草宿蠹嚴戢吏姦適教授乏人委公攝職庠序

燦然改觀士論交贊當路如葉公適李公大性薦剡

交上得旨知象州陞辭陳三事敷奏詳明上爲之改
容差知汀州時梅州界兇賊嘯聚公禦之轉危爲安
境內晏然咸感其德秩滿朝廷以鄰寇未平非公莫
能撫定特旨令再任居二歲以治行第一除廣東提
刑未及赴卒於郡年七十生平著述浩富如太和塔
龍泉院兩記特一斑耳公宰宜章日錫章服父繼祖
朝散郎亦賜緋平陽吳丞貽之詩曰十年改秩鄉閭
少同日垂魚父子難卒後曲江祀名宦本邑祀鄉賢
伯炳宣和癸卯鄉舉伯昂乾道壬辰以鄉舉特奏叔
驥淳熙甲辰以兼經兩奏叔騃及胞弟必克紹熙壬
子以兩舉特奏從弟龔慶元丙辰進士臨嘉泰壬戌
進士姪輝紹興壬戌以兩貢特奏子變以公澤仕戶

曹公舊居西隅紫山後遷城南

尤志鄉賢傳

曹錫字晉伯仙桂鄉人嘉定元年進士性剛直文典雅
熟於法律受知真西山扁其齋曰敬思爲之記知江
山縣復以詩餞至官清簡吏民畏愛有逃卒嘯聚欲
爲亂密遣人捕之無逸者時有獻履畝截角之策公
知不可行但定其數寄之庫不與截角未幾議果罷

受代而去攀戀者相望數十里過平坦橋題詩有云
三年幸與民無擾不負西山兩首詩又云簞食囊衣
書半擔獨騎瘦馬去朝天及參選朝堂有言此不奏
履畝截角之知縣也除提轄左藏庫興廢補弊知瑞
州改衡州尋差知無爲軍兼淮西運判改知饒州除
屯田員外郎入奏事推廣西山祈天永命敬德愛民
之說尋丐外奉祠歸卒年五十六西山嘗曰晉伯文
采宜爲詞諧剛介宜作言官敏決可任監司恨不副
所長恩當任子先奏其姪

尤志鄉賢傳

徐圓老字孝孫邑南世英姪南州高士之裔也宋紹定

戊子自邑之上西園遷居上官巷己丑登進士第淳
祐初仕至朝列大夫秘書少監兼國史編修實錄院
檢討賜誥勅致政還鄉復徵不起學者稱爲高齋先
生著述自娛遇饑荒則量財賑濟卒於景定壬戌邑
令涂公標祀於鄉賢祠子和咸淳乙丑進士孫萊元
至正辛巳鄉舉

尤志名臣傳

鄒次陳字周彌一字悅道與兄次傳同領咸淳癸酉鄉
舉甲戌成進士未幾宋革命遂隱居潭坊不仕吳文

正公志其墓曰君之天才中閎外肆韜光晦迹縉紳
高之學士游從者衆君訓誨必本於行議論必附於
理一經指畫悉中程度遺稿十八卷史抄十卷俱可
傳何太虛哀以詩云八窗九室失般僎善作無人轉
可悲又云門生定展王通學舊友誰成郭泰碑其見
推於時賢如此

王志儒
林傳

元

涂允仁字靜甫邑南人性行端謹學術淵邃延祐間膺
歲薦官福建延平沙縣學博蜚聲當路年高致仕歸
所著有四書疑義子史類編等集藏於家仲子端卿
領鄉薦孫潛生幾別有傳

尤志儒
林傳

涂立可字允瑞邑南人孝友恭讓一兄一弟早逝撫其
孤教育冠婚與己子無異士大夫往來南北者以獲
交爲榮築亭江皋俯臨遐眺扁曰小瀟湘又別營庵
於先墓側題曰于斯後改曰涂山庵

府志

雷廷顯邑北人常往來崇宜界有客遺金六十兩於彌陀石前廷顯遍訪得其人悉還之母應氏患目疾步禱軍峰遇一道人予之藥一丸桃一顆曰以此食母當愈後果如其言蓋孝心所感也

尤志孝子傳

曹孟仁至正壬辰之亂弟仲雍舉義旗歷孤嶺深入賊巢爲賊所殺孟仁盡用其產以募士賞罰明信軍行前列賞格金帛旣罄則解婦簪珥以足其數令合家食粥曰吾積升斗以食壯士衆心翕然歸附前後破賊無數及縣失守取所餘帑寔全付麾下而去涂幾

爲立傳

尤志義俠傳

涂潛生字自昭允仁孫遠於易學時行省鄉試額取二十三人公三舉上春官不第授贛州濂溪書院山長

所著有四書斷疑易義矜式等書行於世祀鄉賢

謝志

人物傳

譚德炎字正甫待賢刺桑人天姿高邁明達事理嘗戰藝湖南計臺與賢書值宋鼎草入元爲潮州治中娶崇仁虞汲女兄其女又配汲子槃有名善心字元之者校刻二程遺書自跋內稱貞白虞叔貞白槃別號

也。及鄒次陳皆有序而譚姓譜牒不載殆徙居他邑歟。又吳文正集有譚晉明詩序。晉明名德生譜稱宋進士無科目詩亦散佚。明萬厯間王侯尚廉修縣志未爲作傳。豈諮訪之未周耶。噫。元有天下幾百年。吳文正虞道園二公講學授徒吾邑。豈無人焉。正甫。晉明猶列於譜。如元之者能校二程遺書可謂篤志向道而湮沒無聞。然則名之傳也。其亦有幸不幸歟。據二程遺書吳草廬虞道園集譚氏譜增入。

明

涂幾字守約。潛生從弟。文辭高雅。自出機杼。詩賦多楚聲。性高抗。不與時輩俯仰。故世無知者。鄒矩序其文。謂與古作者相馳騫。元末避兵臨川之竹山。洪武初嘗擬進時事策。欲上之。其書曰。臣聞飛龍在天。萬物畢覩。大明東升。葵藿仰照。此誠知聖主之難遇。盛時之罕逢也。臣宜川鄙人也。幼藉祖父緒餘。得齒士類。涵濡詩書之澤。服膺先王之訓。有年於此矣。蹭蹬不遇。年迫衰邁。每自思念。進不得預朝賢之選。退不得

肆志泉石平生耿耿直與草木同腐爲時庸人臣竊
自恥伏遇皇帝陛下以日月之明當飛龍之御驩欣
鼓舞千載一時葵藿雖陋孰不願仰其末光魚蝦至
微孰不願沐其餘潤此誠臣所欲事者也况又近年
以來乾剛獨斷振刷前弊思與三宗七制擬德而同
功以今較古誠不多讓臣伏惟朝廷之上經邦論道
者有其人揚清激濁者有其人折衝千里者有其人
於臣似無所用但臣平生苦學見於文章制作盈几
時輩妄推謂當與漢唐諸文人畧相先後使居館閣

當作爲聖朝一代大典紀述聖君賢臣之事業鏗訇
炳輝間錯金石足以載當世而垂無窮臣不勝大幸
但臣自曩歲已沾蹙疾不便出外臥床第命懸絲髮
臣甘心溝壑絕望華寵第以身爲儒士不獲少補明
時與臣平生學問相反懷憤不已謹撰時事策十九
篇附江西省使臣詣闕投上直言不諱欲以涓塵上
裨海嶽使斯民脫於重負盛治際乎雍熙臣所願也
陛下留神賜觀覽焉書成會有疾不果上而卒所著
有東遊集涂子類稿祀鄉賢

謝志人物傳

黃誠初號敬齋仙桂六都人先名中元至正丙申鄉薦復以字行洪武三年庚戌舉明經博學任本邑教諭首任師儒名流推重人才多所造就擢雲南提刑不

就尤志儒林傳

符良卿仙桂三都人紅巾賊起江西諸路不奉除授競依豪傑禦賊而良卿為本邑推戴適明招諭江南詔至良卿心切臣附陳友諒兵掠撫州堅守不二食盡兵疲中流矢為賊取首去士民高其義以香木刻首全其屍以葬至今人呼其隴為賠頭山尤志義俠傳

鄒矩字元方博學工文與涂幾齊名人稱鄒涂洪武初以通經儒士薦任南城縣學訓導有文集若干卷王志

儒林傳

涂自強初名剛中石麓人珪仲子洪武丁卯膺貢入太學祭酒宋公訥試三場列上第任編修冬十一月上命宋公訥選能幹敦厚者與戶部李祖欽往兩淮公幹公與焉己巳三月還京復命王南艱服闋赴京上以公可任政事授中順大夫知台州賜名忠台地濱海向時任府事者皆非其人百姓凋弊往往入海島

嘯聚錢糧逋欠官不能徵公至推誠愛民察獄囚久繫者量其輕重決斷平允不三日囹圄一空昔之嘯聚者皆轉爲良民逋負者咸樂於輸將任事二年召至京卒台人祀之名宦

謝志人物傳

黃清字用澄邑東人幼負氣節喜讀書洪武中以歲薦入都廷試優等朝謝太祖見公風儀魁偉宣近陛與之語大悅擢爲河南道御史居官多所獻替二十六年涼國公藍玉謀不軌上逮玉籍其家株連至萬五千人公上疏言波及者衆不勝訊鞫願從罪疑欽恤

之意上怒併坐黨誅之後三日詔下凡坐黨者悉赦蓋公疏留中上省覽而善之也公以一疏回天霽威昭納諫之明成解網之仁雖身膏斧鑕有可以不朽者在矣其後人若敬銘以兼才著濯纓以文學名德人以尙義稱皆足徵公德澤之不泯云

謝志人物傳

吳餘慶字彥積號斯白仙村棠陰人能詩文尤善書法永樂六年以薦赴京選入閣院修勸善書及性理大全旣竣除中書舍人授徵仕郎丁母憂服闋陞右春坊右中允歷通政使司右叅議轉右通政屢兼知制

誥授中憲大夫皆直秘閣凡金銀寶冊鐵券誥勅御製詩文多奉勅書之應制賦詩每蒙獎諭頒降四書五經性理大全御製爲善陰隲孝順事實歷代臣監古今列女傳五倫書御賜龍紙筆墨表裏銀寶特承寵賚及致仕歸行李蕭然所載惟圖籍而已公爲人忠謹清節時涿人王鎮用事嘗因會飲擬公爲侍郎公默坐不顧侍郎王佑促之拜公曰樂爲朝廷參議不作王家侍郎閱數月饋果數少卿李廷修謂先生出入禁闈四十餘年德量曠豁未嘗一踐貴人門許

書者謂其楷如美女簪花草如瑞雲飛空流水赴壑著有斯白集流芳集祀鄉賢

林通志

呂文質字彬甫號四恐翁崇賢鄉霍源人生而穎異長益沉雄博綜羣書於天地事理之變古今治亂之原損益廢置先後始終之要無所不知永樂元年癸未以監生與涂原同領鄉薦甲申成進士初除翰林院庶吉士改吏科給事中當言路以端方鯁介忤權貴

調磁州判卒於官著有玉溪文集

尤志名臣傳

陳用仁仙五都人號誠齋永樂初以人才舉授祥符知

縣嘗奉旨修金陵及皇陵宮殿經營有方巡撫王公
委修安豐塘等壩興工之日祭告神祇有怪鹿巨蛇
絕波而去自是塘壩堅久居人德之立廟以祀終河

南彰德府同知享年八十

尤志名
臣傳

涂祐字叔民號怡泉邑南人大經裔生而慧過目成誦
永樂癸卯以書經領鄉薦屢上春官不第以母老絕
意仕進居玉斧泉旁有園池之勝公怡然其中嘗自
題所居曰茆屋只資松色潤布衣猶帶桂花香幽貞
之意溢於言表著怡泉集等書裔孫世璘世瑄皆有

文名世暄字若水以任俠破產東鄉艾千子爲作義

舉志載皇明高士傳

尤志儒
林傳

羅守志棠陰人正統間奉文出粟二千五百石子五俱

承父志歲有施與奉敕旌其門曰尚義

羅府志
尚義傳

黃彥澄仙桂六都人元之祖也捐貲砌橋四十八所賑

饑三次同邑洪國華亦以助賑授冠帶

羅府志
尚義傳

符大德仙桂鄉人顯之弟兄弟讓財正統年間歲饑大
德出粟五百石賑濟事聞勅賜旌表裔孫其義亦好

施與

羅府志
尚義傳

梅郁堅志堅子堅待賢鄉人正統六年出穀一千五百

石助賑有司以聞賜勅書獎諭勞以牛酒建坊表爲

義民羅府志 尚義傳

應用翔神岡人正統間偕同邑羅守志符大德黃彥澄

鄒思學鄒思齊鄒大珏鄒大瑛八人出粟助賑勅書

旌表謝通志此外尙有鄒大珉鄒大城鄒大玉鄒大碧

鄒世元鄒世熙鄒經常鄒世浩俱潭坊人劉義崇舟楫之祖劉

金鑑祖森劉金玉劉金石劉大玩劉大珊俱邑東人黃三德

黃三傑俱邑東人鄧九聲羅崇節胡友義崇鄉人紀希常待八

都人王恒泰王恒福俱邑南人丁振文待五都人吳景學劉時暎

黃振瓊黃振璜黃振佩黃公儀黃中昌範父李朝信李

大玉許賢讚堂社吳奇壁邑北人潘元俊河東人歐陽成章

邑南人劉光裕邑東人許天樞邑北人劉宗本邑東人張以達

待五都人李明彥李明文俱荷溪人張景華邑北人許以恭邑北人

吳立政待六都人黃德人邑東人歐陽舉章陽坊人劉君鄰

邑東人竝列章日鸞國朝嚴橋人新增

鄒敷字世臣潭坊人父大珏早世事母譚極孝弱冠從

經魁廖公燧明禮經文章行誼爲一時推重九試鄉

闈不第以貢上春官試高等制當入太學卒業仍陳情乞終養上嘉其孝詔太宰旌以官秩比縣令歸作終養堂侍膳問安朝夕無曠母年八十餘乃終廬墓三年御史吳公鉞誌其墓孝廉啟元啟光皆其曾孫亦以孝友稱

尤志孝子傳

劉鹽梅字汝平邑東人學務正直心厭浮華初任南安訓識僉憲陳公學伊於落魄中特加剪拂補訓長樂捐俸砌窪道贖生徒兩臺交獎終連州學正歸值陳公佐郡候之床第間鄰邑訟者懷金十數斤公掩耳避之其清介若此以子應明貴封奉直大夫

尤志儒林傳

廖鐸字文揚號素履邑西人入太學任邵武推官操守廉謹決獄平允爲藩臬諸司所重六載給由赴京道聞親疾奔治湯藥親卒服闋改任貴之程番平反獄囚民情悅服尋以秩滿書最縉紳有贈言者曰處事精密無愧於蘇子容植善雪寃無愧於錢若水宏治間陟廣東海北鹽課提舉商人稱便公爲人嚴毅端方不可干以私所至皆有善政今邵武列諸名宦祠叔昂兄釭鉞皆仕至郎官弟燧中辛卯禮經元著有

素履遺稿

尤志名臣傳

黃鉅字克靜號應山待賢梨溪人宋永新令後奕之子
 早有聲諸生中晚乃領嘉靖庚子鄉薦登辛丑進士
 司河南汝寧理以讞決無所徇擢南比部主事忤權
 貴左遷高郵州同外艱服闋補秦州轉山東濱州州
 瀕海其地馮鹵民多流離公為平賦緩徵發粟招逋
 復業者數千家時北虜騷動警報日至公深濠峻城
 簡兵州賴以安人以擬渤海冀遂尋遷寧國府兄弟
 五人獨公以清貧力學自奮既第讓租百六十石以
 贍諸兄迨解組歸入高才山理黃冶攝生之術一夕
 沐浴而化所著有應山集法律管見元風問難藏於

家謝通志

譚綸字子理一字二華潭坊人嘉靖甲辰進士除禮部

主事遷職方郎中台州知府公沉毅知兵時東南倭
 患已四年叅將戚繼光募鄉兵禦賊數有功公亦練
 千人自衛倭犯柵浦繼光以道阻失援公自擊之三
 戰三捷又連破之章安葛埠南灣加右叅政會憂去
 以薦起復將浙兵尋改官福建擢右僉都御史代游

三戰三捷史實後位撰
繪傳述之特詳

震得巡撫任倭屯崎頭城都指揮歐陽深識搏戰中
伏死倭遂據平海衛陷政和壽寧各扼海道爲歸計
公環柵斷路賊不得出移營渚林繼光至公自將中
軍總兵官劉顯俞大猷將左右軍令繼光以中軍薄
賊壘左右軍繼之大破賊復一府三縣詔加右副都
御史考舊制建水砦五扼海口薦繼光爲總兵官以
鎮守之境內悉定四十四年冬大足民作亂陷七城
詔改公四川至已破滅雲南土酋鳳繼祖遁入會理
公會師討平之進兵部右侍郎總督兩廣軍務兼巡
撫廣西招降岑岡賊江月照等公練兵事朝廷倚以
辦賊遇警輒調居官無淹歲迨南寇畧平而邊患方
未已隆慶元年給事中吳時來請召公及繼光練兵
詔徵還部進左侍郎總督薊遼保定軍務自兵事起
邊臣牽制議論不能有爲公疏切言之而巡撫劉應
節果異議巡按御史劉翹巡關御史孫代又劾公自
專帝悉以兵事委公而諭應節等無撓公初至按行
塞上遂與繼光圖上方畧築敵臺三千起居庸至山
海控守要害以功進兵部尙書其冬予告歸神宗卽

位起兵部尙書五年卒官贈太子太保諡襄敏

白通志

鄒子先字朝選號見吾待賢潭坊人嘉靖辛酉鄉薦教

授長汀興行造士擢常山令廉公勤慎吏畏民懷凡

不便於民悉罷之卻例羨懲豪猾獎節孝供士課豐

祀儀通商運建義倉皆實政也常邑孔道衝疲委積

不敷舟車輻輳公籌辦有法少支細盜劫巨賈公捕

盜獲贓寶玩無數賈以重金餽公峻却之請建邵金

亭亦不允五年報政部臺交薦士民有官清民安之

咏花甲再春之歌靈雨反風之頌去日百姓立祠塑

像家設神主尸祝禱祀輒應焉遷永寧刺史有進五

花馬者拒不受補廣西永安刺史陞廣東高州公嘆

曰吾南北奔馳仕而祿及親澤加民可以已矣遂不

就謝通志

鄧倫字叔明邑西紫山人篤行孝友留心經濟自典謨

以逮子史罔不淹貫遇不遇不介意也千金可以焚

券餼廩聽其自輸謀道而不謀食識見過人遠矣所

著有四書翼傳庭訓語錄祀鄉賢子來鸞別有傳

九志

鄉賢傳

羅鶚字時薦號近雲仙桂棠陰人嘉靖辛酉鄉薦署浙江東陽教諭陞廣東文昌令擢欽州德慶州廣西思恩府致仕歸在任一十八年飲冰茹蘗海剛峰先生察其清廉作文以送其歸中有在外謂之禮在內謂之賍賦與禮惟羅合尹其免之之語卒之日家僅中人產悉賣以畢喪事子若孫皆有文名

尤志名臣傳

鄧佑號紫峰邑西紫山人英敏絕倫嘉靖甲子鄉薦任台州府教授萬曆丙子聘南直房考顯宦徐式齋金六百爲其子關節公拒之中三名陳所蘊以下十二

人後登第者八稱爲得人擢湖廣靜州會同知縣地連黔省苗民悍獷公被命慷慨就道曰何地不可展才乎興學課士惠愛撫懷嘗深入洞險徵糧苗懾令服化輸將恐後邑方仰公有爲獲久茲土也公告老歸兩袖清風半榻蕭然嘗詠宅近青山同謝眺門垂綠柳類陶潛之句可見其志矣年七十二手錄詩徵

十卷藏於家

尤志名臣傳

嘉靖辛酉閩寇三掠縣境多死事者崇賢荷溪奉旨建義勇祠祀李孟三李孟二李立三李琪一李竦八李

宜壽縣志
轟二李貞二李宙一李浩八李燦四李瓊五李興二
李瑞八李迪九李琪三李峻一李膺六李嶽三李嶽
五李蘭五李允一李焯四李襲李雁一李宇一李鍊
九李允八李兆三李好四李先九李蔓二十李蔓二
四李坤一李舜九李證一李悅九李仇一李坤四李
蕃七李浩二李宿五李善六李高八李聰十李仙六
李汝憲李以阡李以仰邑侯楊淮有祭文又有烈婦
祠附列女志

歐陽昃字惟仁號應華仙桂陽坊人以選貢雋萬厯壬
午京闈擢蠡縣令蠡多鹵地公酌定課額三百六十
餘金公私稱便歲市馬五十匹五十金故事強半
乾沒公悉給之民便而官不便坐是迂太守意左遷
定海丞轉滬陵水令陵水孤懸嶺表下車冒瘴癘周
恤民隱會黎寇交訐公募壯士堵截寇不能入當事
力薦之公告老解綬歸姪梯姪孫夢麟俱別有傳尤志
名臣傳

歐陽梯字汝芳號華宇陽坊人萬厯乙酉鄉薦謁選諭
泰和擢連山令連故東粵僻邑多土蠻甫下車上弁

例送金辭曰馬蹄公正色却之猗鬻自是不敢犯期
年而治冠粵東諸邑直指嘉其清節以親老乞終養

尤志儒
林傳

鄒用章字體素號懷京待賢潭坊人萬曆庚子鄉薦授
永新諭五年造就生儒擢閩寧德令策救荒議築堰
捐俸成橋梁陳鹽法禱水旱釋疑獄興利除害營道
廉其賢能以州防兩篆委公時有輩販載舟入長溪
爲邏卒所獲以海寇聞公細研之得寃狀釋數十人
建防海六議居官僅五越月江上澄清四郊謳沸

乞終養故事沙田一稅不列正供去任者得千金爲
水陸費掾以例進公怒曰何忍以民間膏血潤吾行
色也鍾冢宰玠特請起用公固辭庚午覃恩准原職
加一級進中憲大夫年八十所著有四書鷄肋集二
十卷獻議十卷將論錄一卷綠野莊前後集若干卷

尤志名
臣傳

鄧來鸞字緒情號鳴和邑西紫山人以麟魁萬曆丙
午鄉試登萬曆丙辰進士授湖廣武昌司李會黔粵
寇發羽檄飛馳軍儲取給楚省而官司告匱公建議

於藩司措發一面疏聞諸院道允其議遂奉委查全省歷年逋負凡吏胥積弊一清得銀數萬充監學餉而院道無帑竭之憂矣甲子分校鄉闈得雋八人聯捷者五乙丑柱府受封就藩道經武昌船適雲集承奉司傳令必毀民舍數千以通漕公爲募集民夫於江岸設版築沙兼禱神祠乞風是日舳舻曉發順風揚帆民居安堵無壞沿江數萬家設係以祀章公薦章交上僉擬內召以懇直挂大計議辛未補授河南汝寧司李銓南刑部主事進階本部郎中

熾勾連黔粵荆楚震動部議武昌非公不能鎮守公聞命單車就道至郡興利除害所裨益於民不可勝數百姓苦藩封尤劇公百計調護俾上無獲罪諸藩而民得無病以兵興事繁勞瘁疾作乞致仕章三上始得解官兄來鳳食餼入監家學淵源課公以麟經讀書績文自伏處以及榮擢皆兄惠也公著春秋實錄等書門人工部侍郎程正揆有序

尤志名臣傳

鄒學孟字仲默待賢潭坊人弱冠有聲諸生中闈關閩濂洛之緒發典謨邱索之藏萬歷丁酉歲薦居家孝

養事繼母備極承顏子用章中萬歷庚子鄉試偕公
車北上卒旅邸以子貴贈文林郎祀鄉賢

尤志鄉賢傳

羅璣字曰周崇賢四都人謹動履寡言笑燕居雖盛暑
衣冠自若舉止卽造次尺寸不違由廩生官高唐訓
蕭然藿食年愈邵貧愈甚節愈高世俗日暮途窮之

態一毫不入於心

尤志儒林傳

吳玠字克重號養初仙桂棠陰人以明經任信州學訓

導歷南城教諭建昌府學教授其分教信州也監守

沈河山大府王華亭特嘉其端重掌諭南城永嘉王

龍友目爲君子性其絕無干請曰吾寧留不盡遺子

孫耳子應隆號蘇門爲文峭厲工詩古文詞母病癰

三年躬親浣濯百方求療衣不解帶告斗祈代步禱

軍山感圓光現象而母疾獲痊以明經薦不就著作

盈几孫燕芳崇禎丙子舉於鄉任河南開封西華令

聞箠楚號呼聲慘然曰吾寧以百姓肌膚易吾官乎

以撫馭太寬當事者不悅解組歸

尤志儒林傳

李希哲字旣明邑東人祖龍山先生由恩薦任紹興府

佐公生而聰慧冠舉萬歷丙子鄉試工詩古文詞

上儼楚騷下摹元曲著述數萬言屢困南宮遂不復以顯晦爲意就萬年教復補廣陽署高明令崔苻屏跡劇賊授首老而倦遊厭薄世務遂解綬歸所著有

李氏文集五十卷

尤志名臣傳

鄭惇典字以敬號冲華待賢潭坊人博雅好古文詞放逸不羈似晉人風致當時有詩唐字晉之譽初署麗水學終遂昌尹歸家遠跡公庭做范公遺意置田入

祠且以贍族不給者

尤志儒林傳

黃濯纓御史清之四世孫敬銘之弟也先世以節烈著

聞義弗墜乃緒安貧著書淡然自守邑令王公尙廉

延修縣志所著有高士傳帝王譜凡數十卷又嘗有

詩曰顏氏一瓢猶自可我無簞食樂如何清虛剩有

文思好却笑時人煙火多

尤志儒林傳

余嘉謀號野獲待賢梨溪人性明敏博極羣書萬厯中

以選貢廷試天下第一翰林周應賓禮部蔡獻臣等

期以大魁壬子鄉試擬元卒見抑親老投訓浮梁嚴

月課給貧士贖序丕振方廷昌李思謨馮秉清皆其

造就兩臺交獎陞崇安知縣著述極富有存朴篇三

山近稅三山續業詩集有昌中旅中山中螻蛄集邵

子皇極經世書註等書

尤志儒林傳

鄧瞻字珍邦號平峰邑南人高視濶步不以一毫世俗

介意任吳縣麗水教職行李蕭蕭惟載圖書數千卷

而歸所著輟齋平賦錄為一邑永賴置有博士庄林

壑蕭疎日與詞客名流徜徉其間晚號滄洲傲吏

尤志

儒林傳

羅潮字信甫棠陰庠生事母孝母終廬墓三年後每除

夜必泣墓所邑令上請立孝子坊旌之子良振天啟

辛酉舉人任永新教諭亦以孝稱

尤志孝子傳

應有實名頴德號壺邱神岡人祖母許孀居四十餘年

以節孝稱公讀書曉大義躬行實踐名噪數郡太守

陸肯堂節推黃墩岡數奉書幣致之晚年顏其堂曰

孝思俾子孫取法焉生平未嘗一介苟取於人邑有

大興作利民者必捐重貲以勸其成近溪羅公二華

譚公家居時每造訪焉

府志篤行傳

應球字瑞之神岡人肆力經史敦行誼忠信豈弟濟物

不倦生子五均使習勞雖讀書不廢力作誘掖激勵

銳意進取闡撫建兩郡有儒宗詩伯書聖必厚幣致之以故諸子皆成通才以文行科名顯府志篤行傳

涂世暄字若水邑南人大經齋學務踐實為文典雅峻潔名流宗之性恬淡不願仕進惟篤孝友家饒好施

時載金出遊遇有急者周之必罄所有歸歲歉出粟賑饑寒施衣絮又捐金數百助修邑城陳大士題其

門曰清名四海知若水高風千古仰塗山艾千子為作高士傳乙酉經魁圖其嫡孫也羅府志篤行傳

曾啟明邑北人崇禎七年歲饑捐穀一千五百石助賑

事聞詔書優獎同邑鄧象賢捐貲移學舍修城垣邑

令嘉獎羅府志尚義傳

崇禎壬申粵寇至城下有慷慨赴義陣亡者胡鴻德潘

章俊岸生潘光漢張汝茂張汝耀鄒思化思讓兄弟有傳張

世讓張廷約潘瀾二九趙世傑陽傳三羅徐七共四
十餘人邑人立義勇廟祀之今在布政司右邑人羅

應曉有序印丞解公學龍為文祭之俱入藝文志尤志

勇毅傳

鄧宗倫字五太崇二十二都人崇禎末鉛山張普微倡

密密教擾郡其徒江義據吾邑封山應之倫同族弟
宗全詣大中丞解公學龍軍幕願爲前驅夜擣其穴
一戰擒之倫投袁州總戎全授長沙守備熊汝梅作
傳同時有應卓十八者神岡人率鄉兵擒江義於軍
山石巖事詳封山紀畧

國朝如安槎戴繼甫劉啞牛劉奇二玉書八王金八霍
源吳倫六拿山劉興讓蛟湖李簡吾崇四都鄧德洲
皆奮勇禦賊被害鄉里稱義烈云

余道衍字兆可待四都人廩生精易理隱居河東岡只
此山房講學自號只此山人彈琴寤歌有不可一世
之概一時名士多出門下當事欲見之不可得惟臨
川揭公重熙傅公鼎銓青原釋無可即方以留營有書往
來切磋鼎草後棄儒逃禪居曹山與僧觀心契洽揭
贈詩有曹山野老吞聲哭泮水儒巾一炬空之句蓋
紀實也補

國朝

歐陽芬字子芳號玉臺行鑑三陽坊人明邑增生少穎
異博學多才智以任俠破產仇黨構禍嘗遊居崇仁
時流寇方熾詣闕上疏陳弊中策奉命隨隆平侯張
拱微參贊軍務却敵有功改從戎秩陞遊擊將軍以
積勞乞休會太師焦夢熊少師黃玉耳渴慕公將畧
辟置幕府遂恢復江北豫楚麻黃等處撫定土寇紅
旗等營兵馬三十餘萬進副總兵復以擒殲闖渠路
應標奪偽權將軍銀印一銅印十二招插狄渠兵馬

三萬敘擢正總兵賜玉帶蟒服上嘉其淹經術富幹
畧不稱武階晉柱國一品榮祿大夫公不戀官爵連
章引退

國朝順治癸巳有粵寇踞寧都橫石山寨流毒撫建吉
贛等郡總督江南江西部院馬巡撫江西部院蔡知
公偉績素著禮請勦撫乃建大雄關於仙十二都以
固桑梓集練鄉勇單騎入穴計擒渠孽曾九龍管毓
裁蕭三才諸寇董瞻白等俱焚巢毀寨黨從盡解當
道強起出山公謝事隱去創玉山寺於仙桂鄉野服

山中招一二高僧圍坐蒲團參証本末康熙二十五
年丙寅與弟參將芋同刻木像於玉山寺佛側曰吾
當掃塵氛常住婆娑樹下是年八十有五卒其生平
實行勲業逸士謝一鶚劉坤爲作玉山記傳奇臨川
李石臺跋後公少嬰誣陷久繫囹圄賴太守蔡邦俊
昭雪公立永思堂朔望瞻禮艾千子作記刻石以誌
其事有文集行世陳大士爲之序

黃鶴字子和號六深前明諸生值時事日非葛巾野服
蕭然物外與同邑鄧建侯歐陽亦杜曾非鳴臨川傅

平叔結爲詩友日相與遊詠以寄其意善鼓琴撫調
淒絕聞者歛獻所著詩古文詞遭焚燬僅有存者曾
名鳴謙邑諸生嘗遊金陵與廖傅生名孔悅尊人衡陽先生嘗宰吾邑
傳遠度紀伯紫於天界寺中結淨社子和及許伯
隆亦與焉著蟬鳴草捉扶館祇園閱澹堂諸集許名
之吉工駢體嘗輯漢魏以來詞賦擷其精華爲麗句
集若干卷婁堅爲之序

鄒用昌字禹俞號誕堂前明諸生潛心濂洛關閩之旨
力行不怠南豐謝秋水先生講學程山公往返研究
所養益醇邑人欲呈表其孝行變色拒之曰以某爲
孝是尙未識得孝字也言者意阻邑令欲一見不可
得慕襄敏公爲人遍求其遺稿刪訂成帙所著有纂
輯朱子切要十三卷誕堂集十卷救荒十策等篇

鄒用保字宏若潭坊人貢生仗義輕財里有絲酬渡岸
廣水激人皆患之用保商於族侄鍾嶽哀貲造石橋
計費萬緡遇歉歲給粥施米全活者衆子檠振熊俱

庠生

羅府志
尚義傳

吳驥

人事繼母孝甲申歲荒出粟五百石賑饑隣

人張某欲鬻妻子以金而止

羅府志
尙義傳

鄒元佐邑南人少好讀書以利濟爲心甲申春施粥三月冬施布五百匹有負糧負債者竭力資助所全甚

衆邑令屢獎之子公木亦有父風

羅府志
尙義傳

鄧官賢字建侯號衡山邑南人順治歲貢與兄象賢讀書足不出戶純修確踐深造以道尤嗜易嘗做焦氏易林作續繇十六卷後改題曰爻書以爲不敢附繇亦不敢附易林然繇與林皆言數此獨根於理以發三百六十四爻之蘊臨川紀大奎序之以行世謂此書心學非數學蓋焦氏之書所未及也性孤介恥求知於人惟與臨川傅平叔占衡相友善有童書堂詩集十四卷衡山雜錄十卷

歐陽夢麟字石臣號寄廬仙桂陽坊人順治甲午鄉舉

任九江饒州兩府教授擢知廣東香山縣地帶山襟海初莅任值採運楠木使者冠蓋相望公理畫曲當事集而民忘勞距城百餘里海中一島曰壘門海寇騷動民散田荒錢糧舊有三萬餘僅存一萬二千餘耳公招撫流亡給牛種備船料勸課農桑墾荒六千

五百頃清丈均賦井井有條海田之粟非舟不載地故有商舶稅吏役遂稅及農船公請於部使各州縣俱得免至今利賴屢平反大獄活死囚邑產斷塲草民間小忿輒服之自殺借人命以傾富室公著爲令除斷金安墓外罰使除草務絕其根數年草遂枯編保甲村設瞭望亭以弭奸盜申講鄉約創建書院暇則詣學與諸生接見談論經術竟日不休一切賓客飲食火耗答應舊規盡蠲免香山人紀其實政勒之石請終養歸與名流楊推今古談理必析入微茫陳

恭尹元孝序其文云觸興而作稱情而止冲邃恬適若不得已而後有言又曰仕宦數十年而猶存儒者面目山中本色者歐陽香山是也著有桐山彙草詩

文集歸耕集

羅府志
仕績傳

歐陽斗照字亦杜邑南人順治甲午鄉薦爲文鏡刻有深致詩逼晚唐尤善米襄陽書法天資誠朴事父母孝居城中數十年絕跡公庭士高其行子仕亦工書

羅府志
篤行傳

黃士光字旦上號韜父邑東人順治十一年拔貢將北

上會母疾躬親湯藥不忍離貧乏不恤惟讀書自娛
工詩古文詞善諸家書法與臨川李石臺傅平叔兩
先生爲文字交所著有李杜詩選青松閣文集字義

辨正錄

羅府志
文苑傳

洪世澄疎石人順治庚子歲饑捐穀一千八百石助賑
邑令重其行義兩舉鄉飲子生員日熠孫度皆孝友

樂施

羅府志
尚義傳

洪炳仙七都邑庠生出千餘金修仙八都永興薦元二
橋捐修橋田租三百斗又仙九都龍岡橋捐田租八

百斗高家渡捐田租六百斗順治辛卯寧龍寇作出
金募壯士守禦康熙壬子饑出粟賑貧舉人應是爲
作傳

洪圖字時見仙七都人母符氏病篤割股和藥兄時達
斬小指同烹母病遂愈

應昇字上治號仙溪父球別有傳十歲時與兄鼎應童
子試學使呼與語欲取之公曰鼎兄也遂錄鼎與弟
是晁並有聲庠序間鼎早卒晁繼殞兄弟二人友愛
彌篤康熙癸卯領鄉薦己酉是亦僞並以母老不與

計借部銓亦皆不就值山寇至閭巷驚竄母病臥床
第兄弟共待母側賊竟舍之去工制舉菽徐澄萬蔡
九霞並選刻其文著有先儒集解藏於家子霖露震
需皆有文名霖字汝作號居易雍正癸丑歲貢設義
田以贍宗族外祖鄧樞無嗣捐貲入鄧氏祠得祔祀
造樟坊袞袞兩石橋露字鶴聞號三峰有孝行性慷
慨好施予里中緩急恃以無恐雍正丙午舉於鄉

欽賜國子監學正作漁家塾得林泉之勝率諸子肄業

其中陶然自樂雯字雲素號質堂由康熙癸巳鄉

考授內閣中書雍正甲辰成進士表親不仕嘗應郡
守羅公復晉聘修撫州志杜門著述誘掖後進工詩
古文詞著有應雲素文稿需字象騰號閒軒舉乾隆
癸酉鄉試修築清湖陂灌田千畝鄉里立券假貸者
無算晚年悉焚之著麟經集解省克錄諸孫數十人
能守先業斯鳴字叶階號桐岡露子乾隆戊午鄉舉
知廣西陸川縣澄任之日歲大旱捐廉購麥於粵東
給民爲種又教民作龍骨車挹水溉田斯揚字表虞
號抑堂露子爲伯父霖後乾隆辛酉以五經中副榜

丁卯鄉舉歷任南昌鄱陽教諭壬申乙酉邑大饑乞
糴鄰封賑全活甚衆斯平字戴成乾隆辛酉拔貢
甲子副榜斯漆字旗占丁酉拔貢議敘福建縣丞並
雲子邑中文章行誼能世其家者必以應氏爲稱首

云

羅府志篤行
與弟是合傳

應是字敬非號敬齋昇弟篤學力行晝與樵牧伍夜則
讀書康熙己酉舉於鄉一上公車不第遂絕意進取
偕仲兄昇日夕侍母側卽於床頭肆力撰述著有紀
孝編作忠編友于編列女編縱釣居文集八卷讀孝

經四卷達官幕名造訪終不出雍正元年舉孝廉方
正以老病辭乾隆壬辰訪求遺書撫臣以文集及讀
孝經進並存四庫館子麒字石祥號頑谷舉康熙丁
酉鄉試生有異稟讀書一目數行下工詩古文詞尤
善書爲諸生時冠軍三十六與臨川李穆堂金谿馮
夔颺同邑藍石塢爲文社尤留心經濟之學名噪公
卿間中丞方伯以下爭延致之辛丑寧南宜三邑奸
民不靖撫軍將發兵殲之公在幕中曰此輩烏合先
聲震之足矣亟馳歸白郡縣出示令自首免罪十餘

日盡散去雍正元年與父同舉孝廉方正又舉博學鴻詞科皆不就
有臥遊館臨帖行世麟字罔呈號坦園雍正丙午學臣舉品行端方趣領咨赴部以親老辭乾隆庚午舉於鄉著易經碎言詩經旁叅春秋刺義屏山文集又選江右古文四十卷曾孫肇魁字斗垣號星岩性和厚不露圭角而涇渭判然以鄉舉任上高訓導集諸生訓以經術士風丕振元孫先烈別有傳

羅府志篤行與兄昇合傳

余士濟字廷秀香坊人康熙甲寅寇擾父爲賊執去公

遠涉閩粵哀號賊營數日賊怒加鞭扑割左臂肉一片公哭不停聲賊感動許以千金贖急馳回鬻田產得金贖父歸孝養備極父有義子極鍾愛公亦待如兄弟辛酉歲荒散穀千石所活甚衆次子國柱字宸右捐建豬頭渡靈鳳石橋焚僧玉鑑質券千金御史

何世璣典試江西作孝義傳記其事

羅府志篤行傳

黃竹字左人號卓瞻邑北人父信孚有隱德甲寅閩寇竊發避亂瑜源有賊五人爲崇仁鄉兵所敗逃至居人欲盡戮之信孚曰逃於崇而殺於宜其黨仇我必

甚禍立至矣已而賊果來五人者麾使去村中無警
公以康熙己酉鄉舉任廣東三水令聽獄詳慎哀矜
多所平反曰吾寧受失出之罰不忍輕視民命也三
水故事每歲查黥煙戶派民間千金稽查船戶印烙
亦派數百公下車卽勒石永禁民甚便之以憂去服
闋補四川遵義時郡守王某白某並縱恣不易承事
公秉理守正卒見敬憚歷任皆頌聲載道去後常見
思

符世階字雲上棠陰人少失恃事父國蘄以孝聞叔國

英貧無子患足病臥床蓐數十年公侍奉不倦康熙
甲寅閩寇發隣皆出走公獨留賊服其義不忍加害
後之金陵溺揚子江中恍見叔來救之得起生平行

誼古處隆重師儒子乘龍成進士

羅府志
篤行傳

曾元彩字友煥崇賢鄉人父鳳梧博學力行不樂仕進

公生而母亡繼母生子辛父愛之甚康熙甲寅閩寇
發兄弟俱被執彩方十歲哀求釋辛賊乃舍辛執彩
去年十七始歸辛後又爲他賊所執訛傳在浙彩破
產遍尋不遇每憶念流涕寧都蕭生負官糧五百眷

屬繫獄公謁賞代輸得釋郡千總王某子負糧欲鬻妻子公出金使足課家復完聚康熙戊午歲饑散粟六百石庚午秋疫施藥施棺年八十卒四世未忍分居著有是政編一卷子廷瑞考授經歷孫彬癸卯舉

人楠拔貢生

羅府志
篤行傳

應昱字又恂神岡人康熙甲寅寇至父顯老不能行公年十六負父逃遇賊將加刃公以身翼父被數十創

不動賊感其孝釋之父沒廬墓三年

羅府志
孝子傳

黃文元字式如邑東人康熙時合邑苦差科重公爲陳

訴大憲往返累年革其弊後以吏員任貴州鎮遠經歷邊苗騷動總戎陳公奉命往勦駐兵郡城躬率百餘騎偵賊忽有符使至城徵兵助戰公審其僞力白郡守勿予兵翌日總戎勝賊得僞竊兵符者斬以徇咸謂公明於燭奸逾年苗復亂總戎已有師命公單騎入苗寨責以大義皆感泣聽命遂撫平之同邑應是作傳孫朝彙中明通榜進士任臨江府教授

吳愛甫棠陰人母患病十年未嘗遠離出粟施藥求益母壽母死廬墓夜遇虎不爲害人稱爲孝感

羅府志
孝子傳

鄒振聯字士登潭坊人兄振綬早世遺孤三歲嫂復亡弟振絃亦然甲寅之變聯負二孤竄山谷父被賊執冒險救脫及二孤長為之婚娶以父遺產盡與之年

八十餘卒 羅府志 孝子傳

黃祺字亦謙庠生佑吉子生而孝友旦夕侍父讀書父

卒謙年二十五痛哭父尸側亦殞命 羅府志 孝子傳

鄒有臨字崑卿邑南監生甲寅間父病篤念祖父母年

高諸弟幼禱神請代父死時年僅十七事祖父母寡

母養墓皆如禮教弟姪成立以所創產均分白首友

愛 羅府志 孝友傳

歐陽起崇庠生篤學有文名值寇作父被執公奔哭賊

巢賊感而釋歸 羅府志 孝子傳

黃文器邑北人樂善好施建造橋梁康熙戊午歲大饑

出廩粟為粥於孤嶺以食餓者全活無算邑令獎之

子章憲郡附生 羅府志 尚義傳

羅秉泰棠陰人康熙戊午歲荒助穀二千五百石賑饑

捐貲建大華軍峰各山孔道橋梁買田租作修費郡

邑嘉其尚義 羅府志 尚義傳

吳光國字元寶邑南諸生父應文以子飛貴贈武德將軍興家好義喜吟咏有春暉堂詩集若干卷生五子公居次器度淵宏賑窮濟乏有喪人子負債將鬻妻公出金使償妻得復留事繼母孝與兄弟終身友爨異母弟飛字元振號紫庭康熙戊辰武進士選授直隸河間府協標守備戎務大飭緣事降天津衛千戶盡職不怠工書受筆法於閩人葉長芷晚乃益進長芷自謂不如也子開緒字益先號南村性至孝隨祖父避寇山中從間道負米市珍羞供膳屢於危卒以計脫以歲貢徑南昌訓導士習丕振嘗蓄聚近代天宮諸書參互考證又著律法準繩開緯字益倫號朗秋有隼才康熙戊子鄉試同考蔡公奇其文以魁薦主司因策語切直置乙榜選授四川邛州判卹爲巴蜀要地設施皆有成績尋以省墓乞假歸孫程字茂合號雙峰雍正丙午武舉乾隆丁巳遵劄應禮部試登明通榜仍授本省撫標千總中丞陳榕門先生知其能文工書待如契友入閣後猶通問訊梁字能合號松巖康熙庚子舉於鄉雍正壬子充湖南同考

官貴義賤利鄉里稱爲長者嘗曰人情物理之外更無學問其所見深矣惺與梁皆開緒之弟開繡子開緒之孫璨瑄別有傳

吳應驥字德君棠陰人康熙辛酉鄉舉任贛縣教諭歲

修明倫堂尊經閣鬱孤臺悉學田租稅所出聘充廣

東同考所舉稱得人以卓異薦卒於官贛人祠祀之

著有凌南冷語十卷粵遊草一卷東山禠註二十六

卷子宏道孫廷掄俱歲貢生

羅府志仕績傳

黃大德字克成號梅峰邑東人天性孝友與兄大猷篤

志好學舉康熙甲子鄉試兄弟嘗顧謂曰吾輩以文

行自力然修文非難立行爲難後登癸未進士卒於

家有梅峰文集

羅府志篤行傳

吳廷鳳人康熙戊寅年有福建客林志和遺金四

十兩公拾於山路坐候還之

羅府志尙義傳

鄒文華字亦實潭坊人舉康熙己卯鄉試孝友性成父

庠生振羽甲寅遇閩賊被繫公哀泣請贖賊釋之舊

有里役受累公殫力哀貲役無困又倡義建橋題曰

協濟凡濟人利物事罄囊不吝將謁選病卒於家

羅府

志篤
行傳

應譽神岡人康熙壬午歲貢幼失恃自號望岷父邑庠
豫明教授燕趙吳楚間譽從學敦尚節義與兄元信
三十前後皆喪妻獨弟蠻生子公曰吾父有嗣矣皆
終身不娶著有響溪詩古文集

羅府志
尚義傳

張士鉉邑庠生性嗜學介直而好仁父病噎不能食公
亦不食得神方以療自是通醫理父歿館穀有餘盡

以施藥全活無算著詩經會義

羅府志
尚義傳

麟字振公棠陰人父國瑞篤志修行延師課子麟體

父志力學不倦家貧忍饑以供甘旨所刻制藝傳誦

海內康熙乙酉由歲貢領鄉薦第六念父不及見無

喜色開示來學指點親切族姪瑛師其學行公闕所

作文謂可掄元辛卯果於孫起山先生房擬元因第

三場貼出被落人服其識鑒後授進賢教諭尋卒

羅府

志篤
行傳

涂圖字中五邑南人以五經魁康熙乙酉鄉試博學善

屬文事父母備極孝養居喪哀毀骨立每教授生徒

語同輩惟有敦孝弟立人品六字曰此儒者本色也

當事重其文行嘗求一見不可得年六十三卒於永

新官署著有一松軒文稿羅府志
篤行傳

曾六寅字立人仙桂小源人康熙辛卯鄉薦父朝祚構

樓聚書兄傑遊臨川陳大士門公師事傑文類漆園

而篤嗜性理大全諸書以晉人清言寫宋儒真諦海

內能文士多趨之所著有四書大全啟蒙浴沂泉文

稿藏於家羅府志
文苑傳

熊桓崇賢鄉庠生鄉賓汝淮子早擅文譽事父母曲盡

孝養性樂施予子楚先能承其志康熙乙未歲饑

粟鄰里計千二百餘石郡守任給以扁羅府志
尚義傳

鄒有嘉字善及邑南人可權裔孫克纘先緒輕財尚義

捐貲倡修通濟豐樂黃陂等石橋郡伯閣公紹邑侯

黎公大觀俱給扁有善士稱羅府志
尚義傳

羅曠字二野棠陰人廩膳生祖良振明天啟辛酉鄉舉

父邑庠某俱以孝稱公生有慧質經史子集務抉其

精髓爲文古奧峭折督學王誨存比之趙明遠吳下

張日容謂似楊澹餘性孝友父卒哀慟幾絕晚年事

母吳氏尤先意承歡母色少不豫必跪泣堂下俟語

笑方敢起雍正初邑侯胡公虞繼以孝廉方正舉尋卒其詩古文詞門下士檢刻成集藏於家

羅府志篤行傳

符斌焯字亦章棠陰人家貧力學伯夢球嗜古積書滿架公讀之忘倦凡天文地理兵刑樂律及諸家圖譜無不精究所刻詩古文詞制藝數百首皆自成一

言雍正甲辰選拔入京尋卒

羅府志文苑傳

梅紹玉字映予號砥山待賢梅坊人居居孝友文章行誼並爲鄉里矜式康熙甲午舉於鄉乾隆壬戌由教習期滿選授廣東文昌縣知縣寬猛互濟政簡刑清

大憲不敢以俗吏目之丙寅卓異入都百姓如失慈

母卒於京館

應上苑字眉允號豫齋神岡人祖國舉敦行孝友父璜邑庠生善屬文工書法公由康熙辛丑進士授廣東陽山知縣調任花縣陵水轉萬州惠州同知護理惠潮嘉兵備道陞山東東昌府知府所至修學校廣義田賑荒歎頌聲載道花縣劇賊梁士海被擒越獄逃民恐累官日夜據險獲之及丁繼母艱將去士民懇請大憲題留萬州俗蓄婢不嫁悉爲贖配乾隆五年

覲記名旋卒著有眉允詩古文集

謝琦三待入都人康熙庚戌大雪貸穀數百斛無一償者助修迎福寺捐田租六百斗邑侯張公給扁

張聯盛待五都人年十歲康熙乙卯闖寇入境父被執盛持鎗刺寇股寇怒追盛斬之父得免

李明珠待五都人母病篤每夜深潛啟戶焚香禱空中
割股和藥母遂痊

吳飛翰字璧書棠陰人監生弱冠遭父喪寢柩側母病
草醫云食龜可愈時大雪走三百餘里至南昌獲龜
以進遂愈後母沒合塋廬墓一日晚歸天黑有白物
如羊引路將至家忽不見人以爲孝感著有琴堂詩
稿及字義音註

羅賢九棠陰人少孤貧傭力奉母母病焚香禱天割股
和藥母卒哀哭不食宿墓經年歿

洪方柳仙七都人從親兄庠生學遊學疾篤柳斬小指
和藥以進學開目顧曰吾別矣徒損汝指言畢而終
熊賢輝崇二十都人邑優生康熙庚子乙未歲饑出粟

二千餘石減半價以濟隣里又於東陂施粥半月貧民藉甦郡守任給扁長子而達邑庠生捐銀二千餘兩建崇九都惠遠石橋三子宏監生崇十都建三濟橋獨任一墩費五百金其他義舉捐數十金不勝數孝廉黃汲浪爲作傳

吳懿敬仙七都人甲寅闖寇父爲賊所得走詣賊巢持父哭願代役賊兩釋之

陳應虬字龍蒼崇二十二都人邑庠生嘗割股療後母病邑侯朱旌其堂曰至孝

管宜通字亦顯崇二十二都人母鄧氏方有娠父外出不返通長裹糧遍訪不得歸奉母母患嗽日甚通割股和藥以進母霍然起股創如蓋母知之揮淚曰父累兒吾更累兒矣通事母終身無失禮

吳嘉祿仙七都人母病草焚香禮斗百方求療不效乃割左臂肉和藥以進遂瘳提督學道給扁

楊廷兆棠陰人少失恃事父極孝父歿廬墓三年邑令楊奕紱申詳郡伯闔公紹給孝行可風扁

藍千秋字長青號石鳩待賢鄉人少穎異觀書一覽輒

記爲文步趨先民屢試鄉闈不利雍正三年

詔直省學臣舉人品端方有猷有爲有守之士以備擢
用時沈西園先生督學江右舉者三人公其首也引
見勤政殿以朱文端公薦充明史館纂修公分得刑法
志未幾授國子監學正陞刑部司務以事鐫級補國
子監典籍陞行人司司副旋陞司正協理禮部祠祭
司事乾隆元年陞盛京戶部員外郎戶部三司公分
直地畝司先是有恃豪勢佔民田者公廉得其情據
理公斷豪遂屈服性恬淡日求引退謝職餼車之費
多同官所伙助行李蕭然惟載書籍數車而已生平
不屑細事思以經術經世凡用兵治河籌海備邊屯
田水利無不研究旣而不得施用遂飄然有遺世想
喜談神仙蟬蛻之術於宅東鑿一池築書室其上顏
曰東塘曰吾老於此中矣生平詩古文詞不苟下筆
亦未嘗以文字媚權貴人臨川李穆堂先生推爲當
代作手有戶部集二十八卷行於世

余棟字東木號雙池待賢七都人幼敏悟塾師令作對
語輒驚異十歲能文中雍正五年進士朱文端公賦

寶書閣志
薦其學行改庶吉士補翰林院編修入直尙書房侍
皇孫講讀旋充日講起居注官乾隆元年分校禮闈
賜第內城丁母艱

賜喪費五百金許給假六月並

勅假滿赴京公懇乞終制明年復丁父艱十月馳赴

皇太子喪

上命卽日入直如梁詩正故事公懇乞終制如前服闋

補官仍直

內廷

上因召見嘉其對賜

御製文集

御批通鑑各一部甫三日越次擢翰林院侍讀未幾復

擢太常寺少卿兼督四譯館因陳奏不合改官乞假

歸里以疾卒公之學以治經爲要文章春容典則居

官廉介勤慎不求聲援性儉而靜每易新衣其故衣

皆完好惟當肘及尻處先敝嘗語子弟曰吾守儉以

養廉一言故無求於人而寡悔於已旣歸杜門不見

官府惟以誘進後學爲務子珩金谿楊讖爲作傳

熊大捷字月三號具庵邑北人雍正庚戌武進士分發
湖廣守備適襄漢間多盜公率軍士駕巨艦詐爲客
商泊盜境擒其魁二人餘悉平乾隆四年補湖南武
岡營駐防守備五年黔粵獠煽楚苗爲亂制府檄隨
右營遊擊謝瓏進勦苗屯牛路坡抗拒官兵公躬冒
矢石裹瘡力戰遂奪坡毀上界溪老寨新寨數處次
日苗蜂擁至公令堅壁固守夜率死士越峻嶺抵苗
後寨縱火焚之苗驚潰比曉前後夾擊自辰至未積
骸如山六月十九苗復結粵獠數萬再犯牛路坡陣
中有裸婦人及一男子施厭勝法火器噤閉公以犬
血罽袍震男婦俱斃手擒黑將軍斬級數千先是
總統所寵守備萬世臣欲冒功士卒不平聚訴軍門
至是世臣復譖以不遵約束奏天下獄

上命黔督張公廣泗鞠問得實仍予議敘十一年調出
西助馬營守備

上幸五臺山

賜綵緞貂皮荷包墨刻

御製詩後陞福建延平府都司準噶爾諸部平作紀事

詩三十首

鄒山字少水號暉備待賢澗坊人語言嘗吃勤於學工
古文辭甫冠失怙恃遭寇變家徒四壁立南遊白門
北走盧龍塞足跡所歷惟未至秦晉兩粵與李石臺
諸前輩友善黃崑圃太史梅月川宮詹皆延爲上客
會開博學鴻詞科當路交薦之山笑曰鴻博未易言
吾幸見取倘召對其如何之期期何著有建寧志甌
寧紀畧自問吳越諸遊草已刻者百一偶存集三十
二卷

熊倬字天章號遠村邑北人少負奇氣長益篤學宅傍
有小舍僅一弓地累土墜兩行加版於上爲書案日
哦其中乾隆戊午領鄉薦己未成進士房考蔣公愛
其才期以清秩卒不得以是意常悒怏忽患心疾部
銓不赴喜出游游必袖書史數卷遇山水幽迴處兀
坐微吟至忘朝暮或有出詩文就正者悉點竄無吝
色拈題爲文伸紙疾書動中窾會如無病人卒年六
十四所著詩古文詞不自護惜惟制義數百首藏於
家子璞字山民能詩畫本一孫廷對英皆有聲庠序

中

符乘龍字斯萬棠陰人爲諸生時郡守羅公復晉聘修府志乾隆丙辰領鄉薦丁巳成進士銓廣東翁源令不就改吉安府教授主講鷺洲書院泰和姚公頤執贄門下公以鼎甲相期後果如所言一時服公藻鑑著有斯萬時藝及選刻江西文匯

陳洪書

榜名洪謨

字敷文號祇齋崇賢鄉七都人勤學能文

乾隆癸酉舉於鄉丁丑成進士銓授直隸望都縣知縣調任鹽山縣治績著聞

周禮字情耕邑西人少卽岸異有聲黌序中藍石塢先生高足弟子也嘗爲郡守劉公永錫作春郊頌先生以爲當與班馬相埒卒後先生敘其遺稿有云冲夷博瞻抑揚頓挫而渾灑之氣貫乎其中可以爲蓋棺定論矣性豁達不拘小節人樂就之而剛直之氣自不可挫篤於朋友相契三四人白首不渝不善治生席先世產業數千金漸落去曾不芥蒂吟咏自若著月巖集五卷採入四庫館弟子劉肇虞歐陽鳳翔並舉於鄉

黃火繡字九章號觀堂邑東人父極字疇中優廩生性至孝七歲而孤事母氏鄉曲得其歡心待人不設城府義所不可則正色規戒公少預時譽領雍正乙卯鄉薦屢試禮闈不第金盡裘敝泊如也爲文取法先輩詩古文詞皆有矩度一時名公致書幣延主講席辭不赴以疇中先生年高多病未可遠遊也爲孝廉三十年未嘗入官廩營事益欽重之邑侯沈公文以孝行上於監司蔣公嘉言勒名於治前旌善亭是時邑中有三善十惡三善者公與諸生涂文瀾及廖元嘉也公嚴毅方正少年子弟或羣聚譁笑游談不根聞其警歎輒縮避所著古文詩集凡若干卷藏於家陳發字旦上號念堂邑北人儀觀秀偉善屬文自言下筆時胸中如雲涌勃勃不能休肄業豫章書院周公力堂帥公蘭皋爲定制藝五十餘篇家貧未付梓授徒里中精於鑒別施公翔鳳少孤其母聞陳先生名厚禮延請公一見決其遠到後果舉雍正壬子鄉試而公卒蹇厄僅由選拔入京悒悒以終子希哲字禹言學問淹通好攝養術終日閉目坐文藁或被人竊

去亦不問晚年始補弟子員

黃宮球邑東人節母歐陽氏之子也九歲喪父哀慟如成人十八初昏未浹旬母體小不安卽抱衾侍寢遣之不去二十三補郡學弟子以母命莫告父哭不能起母年七十病篤禱於軍峰華蓋諸名山繭足數百里夢神授以藥方服之良愈雍正乙卯母年八十有五卒一慟幾絕築土室殯母於舍旁宿柩側不肯出由是病日劇未幾亦卒

鄧思平邑南人父病篤禱天求代父卒廬墓三年其後母病割股和藥以進病尋愈

邱肇熊字西重號渭涯仙桂五都人乾隆丙辰進士以知縣卽用初任浙江上虞縣調江山永嘉陞雲南嵩明州轉黑鹽井提舉琅鹽井提舉充戊午辛酉丁卯浙江鄉試同考官庚午癸酉雲南鄉試同考官公所至多清政江山士人祀於學宮在嵩明州立堪灌田歲收百萬石州人德之立生祠春秋享祀江西商客屆祀期入祠瞻拜必款留三日曰以報邱公之德也前任有去思碑者歲久石多泐惟公碑人皆保護歸

然獨存

黃含章字梅覺號杞堂父雲蛟歲貢生公家貧力學中
雍正乙卯副榜乾隆丙辰與兄鳳颺同舉於鄉丁巳
成進士授湖北宜城知縣潔已勤政決訟如流丁卯
庚午分校鄉闈所得多知名士調鍾祥縣半載歿宜
城人有見燈火車騎入城隍廟者因立廟祀之

吳瑄字西獻號澹庵邑南人開緒孫父遠字邇叔號勉
齋邑廩生公少穎異與兄璨隨勉齋先生學肆力經
史不以舉子業自畫璨字四映號觀堂以鄉舉任新

淦訓導性剛毅矜氣節歸里後遇邑中公事輒毅然
自任有不平則義形於色人以爲古之遺直公年十
九受知於學使傅公王霄與同邑黃庸齋先生並有
國士之目二十舉雍正壬子鄉科乾隆壬戌成進士
李穆堂先生奇其文謂可追蹤大乙山房稿且勉以
著述部銓河南商水知縣邑屢歉待賑以甦吏因緣
爲奸利公釐剔不遺餘力民皆實受其澤己卯分校
鄉闈所薦拔皆名宿己而以公事鐫職中丞胡公寶
璵重其品學疏保開復任山東莘縣河堤決公捐廉

督民修築中丞某公廉其治狀每向僚屬獎譽或諷以當晉謁可得陞擢公不可嗣因公檄至省而中丞病劇公投刺召至臥榻前與語公慰問畢卽趨出己丑謝職歸里士民爲立去思碑公作詩留別有桐鄉人愛我我亦愛桐鄉之句所著傳經堂時蔬及詩古文藏於家

程九區字井如號牧邨附東隅人祖百度號冰壺邑諸生精岐黃術活人甚衆父遷號鸞伯邑諸生公髫齡時侍冰壺公側見咏梅詩吟玩不置稍長習舉業洒洒千言試輒高等冰壺公疾革撫公曰吾夢爾名在恩榜當有驗也公果以丙辰舉於鄉壬戌成進士生平規言矩行篤於倫紀樂誘後進多所成就所著牧村詩草沈文愷公爲之序

黃捷山字仰甫號庸齋邑北人曾祖文器自有傳祖章憲邑諸生性嚴毅里中少年皆畏憚之邑令尹聞其名無不敬禮父益謙郡廩貢生績文種學和而不流人稱爲牧堂先生公家貧嗜古爲文沈實高華字效歐陽率更兼工學寘書以乾隆戊辰進士筮仕得山

西太原縣令甫三載劉文清公墉守郡特以卓異薦時陽曲段令陞任江南虧空萬金大吏授意所屬州縣代爲填補適保德直隸州缺出段來關說勸公出三千金公不爲動一縣令竟以三千金得之未幾段以賂敗籍其家得令陽曲特門冊凡餽贈者皆獲罪而保德牧遣戍新疆矣公獨免議其上交不諂守正遠害多類此調任永濟爲陝甘蜀衝途星輅絡繹故事鄉里按戶口出馬謂之里馬民苦於供億而額設官馬多缺數公至則買馬足額禁驛路毋得擾民莅任三月鄉里聞撫軍當至方循舊例擬辦里馬久之不見有吏人來走城中偵之乃知撫軍已過境而里馬積弊從此革除矣父老感感泣於匱河建公生祠公勤於聽斷決事常至夜分有疑獄則反覆研究務得其情河東巡道沈公栻大敬重之所屬難決之獄悉委勘訊平反數大案絳州直隸州亦河東巡道屬也沈公力薦奉

准擢陞州出珍珠羔皮絳片爲土貢採買官價不及民價之半餽送服用買當十倍商力大困公首禁署中

服御不得用餽送亦十節其七八晉省歲舉富戶充鹽商銅商約賠萬金鹽商至罄產乃得脫憲牌行州使丁役持刺白富戶必厚餽祈免公婉切詳覆而富戶不知也陞河南陳州守未莅任丁外艱去絳之日路奠相望二百餘里凡三舉卓異永濟絳州皆有去思碑

吳六鰲字戴山號竹堂仙桂三都人少有雋才趨事銳敏乾隆壬申以五經領鄉薦歷任陝西麟遊鳳翔寶雞知縣丁父艱值金川用兵中丞畢公沅奏留西安籌辦軍務服闋敘功調富平倡建武廟修志書分校辛卯丁酉鄉闈轉興安州知州蜀匪肆害蔓延關中公與營鎮率鄉勇逐至平利之鎮坪距興安五百里斬獲無算四境安堵尋改興安爲府卽陞授公在任兩載創書院修河堤建鼓樓勲績懋著以病乞歸子文璟字鳴佩由廣西布政司理問仕至湖北宜昌府知府

吳廷掄字師忠號蓋堂棠陰人大父應驥以鄉舉任贛縣教諭父宏道歲貢生君少工詩賦精書法爲邑中

老經師生徒中有貧者必資給之嘗客粵東當事爭
延致爲山長弟子恒八九十人無不傾心悅服篤友
生之誼所得修金不下千餘盡以濟朋友之急而歸
裝仍復羞澁屢困鄉閭以明經任會昌訓導有勸諭
約言一卷在嘉應州培風書院時有教士瑣言十則
督學金雨叔先生序之令併授梓按試諸郡前列者
各授一冊君性孝友撫異母弟三人備極肫摯父母
沒廬墓三年有欲以孝行聞於大吏者君不可事遂
寢辛卯九日登高失足墜而卒年七十餘會昌士人
建專祠祀於學宮旁弟子中如劉守之範李竹軒孚
最稱高足先後膺鄉舉有文名

謝應熊字渭年號占堂邑北人乾隆癸酉拔貢父復英
字才上號樸庵監生起家計然術慷慨好施舍公生
有異稟九歲代荅聘啟辭藻斐然長益卓犖不拘繩
尺締交皆知名士詩古文傳誦人口入選者多著族
訓十六則讀書八要援證詳明可爲後法鄉闈屢擯
泊然不介意花晨月夕吟嘯自娛晚任湖口縣教諭
諸生競錄詩文就正匡廬石鐘諸名勝題詠殆遍居

年餘解組歸與弟橫經應麟白首友愛春秋佳日扶杖遊郊外分韻唱和夜則聚談一室逾三更始散里黨慕之橫經字式南號劭堂學養深邃以諸生終應麟字綬旦號魯山讀書畧觀大意好爲詩父年老命督家政無徧徇無私畜荼順二兄不計貲產鄰人涂姓貸貲客蜀聞其死焚券弗問族弟某病將死以子託公終始周卹常訓子孫曰吃菜飯穿補衣讀好書敦內行足以爲人矣新宅上梁之夕夢衣冠貴人乘駟馬至門皆知其後必昌也

陳開潤字遜僑號賁園仙桂三都徐溪人少敦內行性介而未冠補弟子員澹意進取爲文不效時世粧教授生徒一遵朱子白鹿洞規里中慕學者多執經焉陳榕門先生撫江右嘗集豫章書院諸生講學獨命公編纂宋儒語錄讀史皆手自節鈔著有歷史輯要百六十卷鄉闈十試不售晚乃以明經貢成均年八十餘夫婦同日無疾而終子孫蕃衍至今人文蔚起云

汪德鵬字程萬號雲谷仙桂象角山人博聞強識學術

淵雅弱冠游豫章與彭公芸楷埒名蔣心餘汪魚亭
二先生以詩文相酌贈成莫逆交乾隆戊子舉於鄉
著有雲谷詩鈔六半堂草東遊北遊五入京諸詩集
洪星煥字斗樞號北垣仙桂硤石人力學敦行乾隆戊
子鄉薦己丑成進士任山西馬邑知縣歲辛丑

上幸五臺山供張皆拮据自辦不以病民大憲察其廉
能調署左雲陽高攝大同府豐鎮理事同知篆塞外
悍民爭耕牧界屢與訟公導以理義審斷公平頑梗
悉馴遇有疑獄虛衷獻鞠凡可求生者概從末減固
園草滿尤加意振興學校去日皆請立德政碑堅却
之迨解組歸郡邑蹟創大工必身先倡率中丞張公
誠基廷訓子弟以清介見重豫章各屬利弊委曲陳
達受益者多子誥嘉慶戊午舉於鄉任南城司訓

李崇禮原名禮字建中號敦堂父乘龍字時御以雍正

甲辰拔貢赴都朝考充宗學教習居京師十餘年母
氏梁南豐布衣質人先生之女通經史能文自襁褓
訓之識字讀書習制藝公年八齡就試學政于深器
之取入府學第一年十二食餼隨母赴信豐學署益

肆力於學肄業豫章書院與裘文達公曰修彭文勤
公元瑞並有名庚辰舉於鄉應禮部試不第王白齋
董蔗林二公先後充四庫館武英殿纂修均延致
襄校閱博覽秘書所學益精庚子成進士以母老就
選瑞州教授與諸生講論經史多所成就公天性淳
實語言若訥及與人闡發經義有原有委人不能難
爲文洋洋灑灑暢所欲言所著有五經解詩經約纂
靜餘堂策稿最後著章水經流考彭文勤公爲之跋
服闋入都祝

蓋進萬年有道領選授南安府教授卒於官

吳炳字南暉仙桂棠陰人少聰穎能文好覽孫吳書及
歷代史兼應文武試取進武生乾隆己亥舉於鄉教
力營伍補建昌右哨把總嘉慶元年檄勦湖北教匪
賊據當陽城勢甚張君奮勇先登爲諸營倡七月賊
破率兵追北生擒六十三人斬級數百陞九江營千
總調守長陽縣大花坪卡稽察嚴密破賊於安陸鍾
祥縣駐宜昌巴東縣追禦川匪轉饒州營千總赴襄
陽南漳縣竹版坪勦賊君謂同列曰吾輩身受

國恩當共努力大丈夫死疆場幸也遂同于總張天祥
直闖賊境相度地勢爲進兵計賊蟄集團之奮矢不
能出被數十槍而死年四十五事聞

賜祭塋銀三百兩贈武翼都尉子孫襲雲騎尉世襲恩
騎尉君在戎行五年勇畧有聲每戰必捷得賞物分
給部卒皆歡悅願盡死力嘉慶八年

詔建昭忠祠有司春秋致祭撫州陣亡官惟君一人餘
皆馬步卒鄒棟字貴彥邑南人嘉慶四年九月與崇
一部劉元陝西陣亡棟卹銀五十兩元無家屬卹銀

二兩皆祀昭忠祠

應先烈字鴻箴號未堂神岡人圍呈先生曾孫也祖文
笏字摺廷有學行工書畫篆刻自程字幼度號範
持歲貢生博通經史務爲有用之學著家規挈要任
宦挈要武備挈要君舉乾隆庚子鄉試由日下舊聞
館議敘任隴西知縣教民開墾給種發粟民用饒足
兼令種桑數年而繭成市地多雹災廉知馬營監有
深潭每雨雹必先日霧起令竭其水見潭底蛙無算
大者如斗盡斃之患遂息署會寧地多回民險健好

訟乃請立回民義學月給膏火風氣一變補安定當
孔道差使絡繹向借民車馬民苦之乃捐廉置車三
百輛民力不困調皋蘭首邑北枕黃河每被水患設
礮岸版壩十三座以障之適荒歉民艱於運黃河急
流不能載舟用全身牛皮貯糧以十二皮縱橫聯絡
由西寧順流而下自是民不知荒旋陞肅州封金礦
開酒泉故流灌田數百里民享其利奏署蘭州專持
大體讞疑獄咸得其情循化噉喇生回不馴上憲欲
勦之乃乘單騎縛其魁而散其黨全活者多嗣因公

鐫職旋以楚北軍功

賞戴花翎補授楚南郴州陞常德府懲刁健嚴捕緝訟
無冤抑新文廟建朗江書院增膏火激勵士氣修固
石匾築護城堤以殺水勢民賴安堵郡北界洞庭湖
田數十萬頃水漲歸漁水落歸耕課無定主疆界不
分姦民射利構訟君親臨湖畔分疆標識積案一清
洞庭多水賊時有劫殺莫得其情爰遣幹役分駐兩
岸有渡者記姓名互相質証後知舟子所為鞫問得
實伏法由是行旅晏然護理分巡岳常澧道丁內艱

歸里旋授貴州安順府逾年丁外艱未幾卒於官解
常德府士民追思遺愛大吏奏請奉

旨入常德府名宦祠

黃慎行字情牧號愛亭邑東人父遊鵬字搏南以文章
負重望兼工畫竹君聰穎過人少卽能承家學自史
漢唐宋元明及時賢著述皆一覽而得其精要旁及
醫卜佛經無不通曉爲文力追古作者而語必已出
不相蹈襲生平豪邁自喜不拘小節每談及古劍俠
事則軒眉聳袂蓋借以發其鬱勃之氣也困於鄉闈

瀕得而復失之晚年始以歲貢受 恩賜登其志與

孫思仁字善長仙七都人仗義輕財工書法中華山港
口橋珠斗渡翔鳳橋高家渡皆捐百餘金助修乾隆
乙酉歲荒借柴陰羅祠施粥米費千餘金郡中飛雲
閣助銀數百兩題額三字是其遺墨

王奕章字啟泰仙四都澄源人性至孝母病禱九華山
願以身代病旋愈母卒廬墓三年邑侯徐公給扁

陳汝廣仙三都人遊篁嶺拾金百餘兩失者至還之邑

侯王公手書廉隅自飭四字以贈

劉永嘉邑東人監生性好義修學宮書院施器械山前
地基爲育嬰堂綜理普濟堂邑侯王公光燮詳學憲
汪舉優行

胥漢臣邑東人家故貧道拾遺金百兩坐至晚失金者
至還之邑侯錢公治給扁

鄒肇乾仙八都大嵐人事親孝父希騰病篤醫皆束手
無策乾禱天割股和藥壽愈

李時中荷溪人歲歉輸粟千石授七品頂戴

熊輝鳴字茂煥崇一都白澁人父早卒事母孝終身不

離左右因母病精於醫施藥不受值母沒治喪盡禮
廬墓三年後逢朔望忌日必親奠墓上云

余軼羣崇二都杏坊人父耄年病瘡痢私禱天割股以
進尋愈後同族誠齋見其臂強詢之始得其由贈句
云幾失吾宗真孝子猶餘肢體舊刀瘢

黃中崇五都人貢生父夙患瘋疾侍藥三年衣不解帶
病劇割左股和藥邑侯王公光燮作墓志銘

鄧國器崇十一都秀源人母病遍禱靈山歸割股以進
邑令給扁獎之

袁仁元崇十二都人和顏孝養人無間言母病刲股和藥隨愈終不令母知

張應台字宿臣號薇軒邑北廩生父松喬業賈好讀書君生甫期卽識字入蒙塾作偶語出口工麗有神童之譽稍長習舉業敏捷如宿構督學胡豫堂先生取冠郡庠歲科試屢第一詩賦文出土林傳寫孫補山制軍觀風以雄深博雅爲江西首督學趙鹿泉先生尤器之邑侯吳公琦甫下車卽詢張某一見如舊識以詩文相質然鄉闈卒不遇家計蕭然資修脯自給

生徒遠至有年長願受業者天性篤摯幼失怙常對木主號泣母告之曰汝叔父久作客不知在何所君訪求數年至玉山縣遇之以百金謝其主人奉叔歸事皆稟命唯謹卒年三十五臥病經月忽起更衣正襟危坐而終妻劉氏引刀斷指以殉滴血書已所作莫辭未幾卒

余國相郡附生杏溪人性至孝事繼母如所生待兄弟備極和順財讓多取少田讓肥取磽留心經濟不欲以辭華相炫家不甚豐至遇邑中義舉輒解囊無所

生書集元
恂嚴義利之分不苟取與與人交然諾不欺生平足跡未入城市雍正十三年

詔舉孝廉方正署令于公存枳以公名應舉聞於方伯論者皆以爲無忝云

余寅止字子安號誠齋生四齡而孤父國柄豪邁好義年逾三十卒母氏羅知大體積而能散捐置余氏義莊杏溪常豐莊學田祀產皆夫志也構梧陰書屋前臨大溪頗幽靜令君與兄謙講習其中謙字搆謙號易堂少喜讀老子參同契晚乃潛心易理講求程朱

之學著朱子三書釋義大學衍義叅講息吹詩集君稟性端重七八歲時見先天圖卽索解樂玩之稍長益肆力於學才識明敏處事必得其當藏書甚富凡天文地輿兵謀算卜皆瀏覽而得其崖畧旣而曰學者讀書當返求之身心實措諸倫常日用泛涉終無益也由是薈萃儒先旨要反覆研究而於濂溪光風霽月氣象尤心慕焉兄弟色養老親未嘗遠遊于譽時有名流宿學聞風造訪無不虛衷諮詢默識審思以求其益故足不出里閭而所學日進有舊業在隴

溪顏曰學稼山莊約里人爲耆老會秋末以齒序譙子弟執爵獻酬禮讓之風鄉人化之著蒙泉詩文稿又有志學編心法源流內外篇爲學知要先儒學規大極圖通書讀愚慮錄蒙泉塾訓凡若干卷以布衣終孫錫璋嘉慶己卯舉於鄉

洪占銓字鳳賓一字輔階別號介亭仙桂袂石人宋觀文殿學士文惠公後也高祖人傑以孝義稱祖麗中父樹屏並諸生君幼而穎異學博才雄卓然欲爲世用熟精馬氏通考凡歷代興作利弊皆洞悉原委遇

廣座宴會抵掌高談詞鋒英發詩體縱筆所到出入韓蘇間乾隆己酉大興翁覃溪先生督學江右拔入成均署臨江府訓導武寧縣教諭嘉慶戊午魁於鄉壬戌成進士入庶常彭文勤公元瑞極器之乙丑散館授編修纂校

實錄文穎兩館與同年顧公南雅陶公雲汀及同邑黃公定軒六七君子詩文往來甚密謝向亭學士未第時館於其家君爲延譽聲名日起庚午試差君以詩膺

上知有爲雲常捧日未雨不還山之句是年主陝甘鄉試却金絕請託歸繪登華圖名流題詠甚衆嘗自念忠宣公父子兄弟文章氣節冠絕當時因遍求遺稿盡得之顏所居曰小容齋志承先也壬申十月疾卒京師春秋五十有一覃溪先生輓以詩載藝文志君沒後數年秦中門人應禮部試者皆携酒望君舊邸慟哭而散有小容齋詩集十卷行於世

黃錫祿字石皆號午橋邑北人父捷嵩隨兄捷山宦晉十餘年多所贊畫君其仲子也工文辭所作不自收拾隨手散去亦不甚惜嗜秦漢以來金石文字作書不擇紙筆間爲水墨疎林遠岫往往得倪黃筆意性渾厚不露圭角喜道人善於後輩多所獎進由嘉慶辛酉拔貢舉甲子鄉科乙丑成進士主講虔化梅江書院數年生徒大盛年未五十而卒子爵綬道光壬午舉於鄉

黃旭字照入一字愛初號東塢佛嶺人工各體書尤善雙鉤得之者珍若球璧乾隆癸卯學使胡豫堂先生以優行貢成均甲辰

宜黃縣志
鑿輅南巡上河清海晏頌皆集文選成句

召試鍾山書院

欽取二等

賜緞二匹入都以翰墨傾動一時彭文勤公董文恭公皆深器之王文正公延致幕中令司筆札充鑲蓋旗教習秩滿補南城司諭乙卯鄉試爲江西舉首丙辰下第歸大吏題保縣令不就嘉慶己巳成進士入詞館進

萬壽詩冊以雙鈎小楷蒙

上嘉賞素有咯血疾壬申疾甚卒於京館

羅以靖字順之號位齋崇賢四都人廩貢生曾祖天祥好爲利濟事君孝友端恪動履不苟讀書期於心得經史外旁參象數臨川紀慎齋知四川什邡縣聘主方亭書院講席著四書臆錄二卷汪瑟庵先生序之又著讀詩心得莊子鈔楚辭論釋俞玉吾參同契發揮輯要建崇文書院倡首捐貲不辭勞瘁弟以豐由庶常改授陝西盤屋令君同定保甲法中丞朱公勳令各屬遵行之君與荷溪李有春同補學官弟子齊

各有春字經明號桃源亦以規言矩行見推於時著續左腴十二卷桃源正別二集

黃錫祿字仲佩號定軒邑北人父捷山由進士官至陳州守以廉能著自有傳君生於太原縣署敏達異常甫入塾授小學卽見諸行事年十五陳州公丁外艱君隨歸讀書仙人石下羣季唱和無虛日爲制舉義力闡聖賢之旨不屑屑有司尺度多突過前人年十八與弟錫禕同補諸生督學蔣公咸器之旋食餼歷試輒冠其曹乾隆甲辰迎

鑿金陵學益進丁未戊申北平翁公方綱來視學得君卷大擊賞曰此筆可作古文又嘗謂君曰予胸臆約結時閱子文輒爲開明其見重如此選克己酉拔貢是年

恩科舉於鄉登嘉慶壬戌二甲進士

御試保和殿親第一入翰林乙丑散館改主事掌戶部雲南清吏司勤於部務奉職數月以母老引疾歸嘗名其堂曰春暉曰枕經鐫一小印曰通隱以見已志家居杜門惟以奉母課兒爲樂性介而和人樂親

之不妄交與之契霜雪不渝事母陳夫人以孝聞少時攻苦山館每晨夕必歸省母夫人餐膳寒暑靡間待兄弟備極友愛處鄉黨恂恂樂易解組廿餘年非公事不見邑宰凡邑中諸義舉有利益於人之事必盡力爲之插架多藏書警校精密日盡數寸許論說古今事剖析原委恆出人意表熟復先秦兩漢之文及漢唐宋諸儒說經家法頗能博關其旨古文根柢深厚具有正軌諸體詩邊幅闊大於李杜韓蘇諸集用力最久其所學自卅年前已能立家生平讀書行

事務求心得必期其安而後已旁及音律聲韻岐黃青鳥悉透單微夙負經世之才厚於期許疊爲家人疾病死喪所嬰乃深自韜晦家世華臚而刻苦斂抑居官後閒居猶衣布素外出嘗無僕從爲先人窻窳之故徒步往來山谷間者數十年見者不知爲貴人也道光甲申君年六十有六會當事有修輯縣志之檄君以舊志疎畧且曠百餘年未經續輯乃力任其勞口沫手胝昕夕釐訂不輟如是者一年書成十之九逾年四月君卒道路咸嘆息泣下所著有枕經堂

制義枕經堂詩文集芸館清課集讀禹貢劄記諸書
凡數十卷弟錫禕博極羣書過目輒記詩古文與兄
競爽童時入郡庠旋食餼舉優行年二十六卒子爵
樞嘉慶癸酉拔貢能世其家學爵職幼慧早卒以仙
人石詩得名

歐陽兆言字素言邑南人監生母鄒氏瀕危割股進之
立愈後復病割股不效乃籲天請代夢神許延一周
母果踰晷卒父敘繼沒廬墓三年庭中懸二人像躬
薦食飲不與筵宴晨夕捧香入祖廟清明則芒屨雨

悉拜掃歷世塋域匝月方回兄弟同室怡怡惜字紙
購買焚之遇棄堯有字必拾歸同紙灰投諸河鄉里
稱孝敬焉

應軒字夔五號退思仙桂神岡人文思銳敏爲諸生時
與族人會澧角逐爭先鄰邑多慕其名會澧並登賢
書嘉慶戊午鄉試吾邑得雋者七人其後成進士四
人洪介亭占銓官編修謝向亭階樹以一甲翰林累
官至學士席臣鵠元榜現任直隸縣令君於己未先
成進士授兵部職方司主事樞務修飭大吏咸器之

同官如康中丞紹鏞盧中丞坤常問遺不絕東鄉饒
綺峯向榮以庶常改武選司相得無聞居京十餘年
貧無賃屋貲邑中有在部任事者君始終訓率皆得
官以去至今猶繫思不置云子錫嚶道光壬午舉於
鄉

謝階樹字欣植一字子玉號向亭城北人祖應麟別有
傳父池鳳監生封奉政大夫君博學強識沈嘿而英
達視聲色貨利泊如也爲文快心一往綿邈無際詩
清妍工各體書楷法尤莊麗中嘉慶戊午鄉試戊辰
登進士殿試第二人授翰林院編修充

文穎館纂修治河方畧館總纂庚午順天鄉試甲戌會
試皆爲同考官督學湖南遷詹事府右贊善司經局
沅馬翰林院侍講侍讀加

日講起居注官轉左右庶子遷翰林院侍講侍讀學士
兼

國史館纂修教習庚辰壬午癸未三科庶吉士降補翰
林院侍講卒年四十八其視湖南學政也絕于請釐
積弊外肅而內和訓士子以先器識後文藝優行生

入見必委曲開陳士習文風利病武童多重各應試
君先令其師與廩生互結唱名時側立辨識遂莫能
隱適湘潭市人及江西估客爭鬪興訟倚顯宦爲左
右袒督撫不能決致干

上怒君專職衡文不置一喙人皆服其公正試竣復

命

上問此事曲直君奏對平允

上語軍機大臣曰朕今日始明白此事講官例得條陳
君上書萬餘言求

皇上綜覈名實興利革弊留

中未發前數年偶患嘔血至是增劇醫治半載始少痊
而精爽衰矣君自幼好作詩佳山勝水風月良辰每
邀集同志三五人遊覽嘯咏以爲樂鄉舉後程任齋
卓樸方守黎平延課子姪黔南峯谷峭峻江流湍急
有以助其磅礴崢嶸之氣而詩文益工血病幾死見
理愈明爲約書六十篇更於誠正治平之要深有所
得蘇州顧南雅蘊與洪介亭同年翰林一見君如舊
相識後爲師弟情誼愈篤及其沒也南雅猶居京言

及卽太息泣下嗚呼君回翔玉署二十年循資以進
大用有期而天促其算未能盡展才畧以自見是可
歎也著有守約堂詩文集數十卷約書六十篇合璧
聯珠十餘卷記事珠數十卷皆未刻其已刻者沅槎
唱和集澧州唱和集

鄒洵字亦山待四都潭坊人太學生栗人之子少敏悟
有殊質讀書過目輒了人以神童目之七歲而三傳
五經皆通八歲工制舉文字年十四學使周海沂先
生竒其文補縣學生族中諸老成徃賀試以

子成三索詢應聲曰十賢分四科咸期以偉器因勉
之曰日以就月以將朝乾夕惕斯可矣詢復曰用則
行舍則藏惟我與爾有是夫其他所作多類此明年
鄉試歸病又兩年卒閭里惜焉

補

程卓樑字肩宇號任齋附東隅人祖九區號牧村乾隆
壬戌進士別有傳父象春號梅谷郡庠生碩德鴻才
爲士林楷式公篤倫紀尚氣節勤學嗜古自經史子
集以迄孫吳陰符諸書凡有關於經世碩畫者靡不
抉精別華各有條緒乾隆己亥舉於鄉己酉科成進

士壬子任貴州開泰知縣充是科同考官癸丑奉委
出運京鉛辦理安速陞都勻府丹江通判乙卯再充
同考官所得皆知名士會匪苗石柳鄧等蠢動奉委
辦運糧米公恐恃官採買蠹役侵虧聯絡同鄉客民
平價密糴故運送絡繹事集而民皆便之嘉慶元年
丙辰冬軍務竣仍權縣事丁巳春狝苗又不靖攻南
籠府城貞豐州永寧州歸化廳俱閉城告警册亨州
城陷州同曾艾力戰死委員李淳陸光濂沈化南等
往偵皆遇害千餘里肆掠焚燒民咸驚竄中丞馮公

光熊自銅仁八百里三日馳抵安順籌調弁兵制帥
勒公保翼長常公明奉 旨自川楚營兼晝夜馳

至集諸路兵進勦公相度形勢以壩陽爲長寨定番
廣順三廳州前障繪圖馳謁翼長常公陳述一切常
公善之且曰觀爾甚能事此志士効命之秋也省城
東南歸化廣順一帶惟汝恃命公卽往壩陽團練鄉
勇苗寨多崇山深箐最爲險峻時壩陽兵不滿五百
賊匪率衆千萬圍歸化踞壩陽前卡打扒關等處兵
勇皆併力固守公數騎衝圍擊賊身被竹標傷遂帶

傷一晝夜三百里馳至安順謁馮中丞請增兵進勦
中丞命德都司保王副將格各領兵赴壩陽公慮苗
匪克衆兵力難施爲解散黨羽計公素官黥民情信
服遣熟悉苗寨之漢生員陳端鄭大南陳文治等勾
致迫脅附從之順苗擒逆苗以自贖又赦逆苗之黨
以擒逆苗之首种生王明倫苗民王季榮班殿相吳
士忠柏文采柏文相等俱詣營効力諭有功者給頂
帶執役者犒米銀其從者招之撫之不率者然後勦
之公以二十騎親往木廠壘曉諭招降李連城王朝

漢若干人同攻逆黨戒隨帶兵役毋怖由山谷中飛
奔直前齊聲喊殺衆鎗轟響苗匪疑大兵伏發駭愕
失措自相踐踏王副將後路接應射斃無數生擒逆
匪三十餘名以獻遂復壩陽而大落著小落著諸寨
俱稽首馬前各率其醜請罪已又同長寨安司馬嘉
相定番陳州牧鵬並安順鄉勇四路會勦擒賊匪仙
金等而磨蔓屯平已又涉河直搗賊巢公額中石傷
生擒頭目王官保陸阿天而白老虎寨平陞普安州
知州蓋其孤軍單騎直搗巢穴百險中立功取名每

出師神施鬼設不可端倪動出萬全揚國威勢皆以
順苗爲左右也又進軍椒紫壘安撫火紅枝順苗又
由播東歷高坎河石壘至者坪賊據羅閣亭沿河阻
阨軍難徑渡公得善泗水者二十餘人令以油帟裹
帶火蒺拋火毬入賊巢賊大潰又由龍津過箐口至
魯貢有賊首陸阿崖力甚鉅手持烏機炮施放炮丸
隔江穿帳房落公帽簷勢甚張乃整軍攻磨形壘坡
要嶺巧雲寨計燬逆巢二十餘處遂分兵掃捕餘黨
凡脅逼順苗皆善氣和顏從容開解時制帥勒公相

慰諭曰吾不意書生能以苗治苗折馘斬鹵復全活
無辜於戎馬倥傯中然非書生亦安能有如此兵畧
奏陞普安州知州旋蒙 恩賞戴藍翎勒侯又手

敘稿會雲貴督撫疏保陞台拱同知復委署興義府
事時興義被兵城郭邱墟兵勇萬餘未撤城中斗米
一兩二錢壯夫攘奪潛飾謠言公急發餉銀招良賈
迅速供運得米數千餘石民稍定迺召四鄉頭目清
理田畝分別官私給照凡耕者得食其無力耕者令
赴卡守防官給口糧以代賑田入官者悉招遺苗領

耕薄計其租數萬生靈漸安產業郡舊有耒耨書院
在城東被苗焚燬公與紳士集議請帑修復庚申以
保舉奉 旨引 見將赴都畱別興義諸生如
有孽難容勦撫後無糧惟勸力耕先 皇恩稠疊

蘇民困土氣休和補吏愆讀其詩可想見惓惓士民
之至意辛酉仍官於黔陞任黎平府時銅仁縣有石
峴三十餘寨匪苗白老寅等恃險騷動殘掠平頭司
牛欄場寨英場萬餘家巡撫伊公桑阿布政使常公
明以公洞悉苗情可倚任檄隨赴營親督將并由小

徑攀藤躡蹬直入賊巢擒渠魁覆梟穴眾遂解散公
畱駐石峴辦善後事宜乃置屯軍設衛弁管理將石
峴田山給難民栽插其餘孽不得復歸石峴令各自
呈族親之在他寨者領歸之其無可歸者令赴松桃
廳耕種而奸宄遂無險阻可憑也手著黔陽從軍一
冊敘其始末事竣回黎平府任奉 旨著賞換花

翎仍交部議敘調任貴陽府游登貴州糧儲道公性
孝友弟太學卓犖隨營運送糧餉以勞瘁染瘴癘疾
不瘳每念手足誼輒感慨歛歛不能置筮仕十餘年

使事旋

奏委兼護學政事安民造士善政不一

而是廣西多綿延深山羊腸鳥道賊寇盤踞恣劫公訪緝鞠訊羣奸讐伏治讞獄執法不撓不得盡意則以去就爭仕止之閒脫然無累故忌者常陰擠之戊寅冬以望誤罷官恬淡自得日事著述有伊吾集一卷於天人性命之旨深發明焉言不及官府事而忠國恤民之義時往復論之顏其休息之所曰兼山寓知止之意焉率子姪講習討論朝夕不倦本邑新構鳳岡書院邑宰及都人士延請主講課藝必親定甲

乙指畫詳明多所造就凡有關於宗族親黨鄉里諸義舉罔不身爲之倡著有詩文集若干卷藏於家卒年八十子文綸廩貢生候選訓導文綬邑庠生孫培義郡廩生培禮道光辛卯舉於鄉

宜黃縣志卷二十三

寓賢志

吾邑僻處偏陬冠蓋之所罕臨然山峻而奇水清而
駛通儒碩彥往往寄跡其間至於棲真之館選佛之
場固不乏焉又挫廉逃名之士之所棲託也綜而錄
之欲令踏雪飛鴻長留芳跡云爾

宋孫覲晉陵人宣和六年以尙書員外郎參詳貢舉謫
官道臨川寓宜黃最久爲縣令鄧庾作縣治學宮二
記又爲周執羔作丞廳記文詞雄偉允稱作者遍歷

邑中名勝題咏甚富後以召去

元吳澄字幼清號草廬崇仁人十五歲卽用力聖賢之學至元中邑人吳東子建義塾扁曰明新堂設先聖像行釋菜禮奉書幣延先生主講席值鄰境有警奉毋游夫人寓門人鄒志道舊廬自留義塾數月元祐三年隱居崇賢鄉五峯僧舍著易纂言又嘗客鈴山鄧氏鄧應元建迎恩橋爲之作記

明羅汝芳字維德號近翁南城人嘉靖甲辰成進士不就廷對曰吾學未信不可以仕歸而訪師友周流四方者十年與神岡應有實相契合嘗造訪焉

吳道南字會甫號躡谷崇仁人未第時與歐陽梯同讀書於陽坊延壽觀中稱莫逆交至今傳有滁嶺詩書樓記諸作後登萬曆乙丑焦竑榜進士第二人官至東閣大學士謚文恪

張斌字憲卿金谿人爲諸生時嘗讀書崇賢鄉杜嶺寺與寺僧模善後以臨川籍登天啓乙丑進士官南京兵部郎僧模往乞公文持歸徧叩檀度得錢千計復乞公爲費於禮部請致毘盧大藏尊經以歸經歸二

年所而公觀察粵西以勸民死出此觀堂集府志仕續傳

方以智字密之桐城人登崇禎庚辰進士官檢討故名

家子稟異慧自詩文詞曲聲歌書畫雙鉤填白五木

六博以及吹簫搥鼓優俳評話之技無不極其精妙

甲乙後薙髮為苦行頭陀更名宏智號無可又號藥

地五老木立木力一作住金陵高座寺迺述五嶺自碧梧

抵廬山最後住吉安之青原山終焉陶居南城資聖

新城廩山南豐程山嘗至吾邑白土寺題其楹手白

書之又嘗作石碧接三平頰及蘭城和上塔銘又有

與崇先和上書云向有彷彿欲書皆棄去今有索者

侍者從各處摺而集之頗為重疊禪樂府乃病中婆

和知已欲為楊惠之塑上去其胛肥幸為刪改之取

數則足矣不吝削風幸甚幸甚崇先不知何許人其

手跡今存余希齋學程家所著有浮山全集通雅易

柳古今性說一貫問答物理小識炮莊等書馬亮工讀畫錄

王士正池北偶談朱桐川
明人詩鈔南豐志石碧志

國朝羅有高字台山寧都人博極羣書精研宋儒之學

兼通內典以乾隆壬午優貢中順天乙酉鄉試赴禮

闢不第乃遍歷名山大川來遊石碧寄菡萏寺一載
與余誠齋講學最契題咏甚多後居浙江四明山學
者傾慕歸卒於家

此古全世通一得附啓時時小結
于今春余亦爾學齊來現將百
與余誠齋講學最契題咏甚多後居浙江四明山學
者傾慕歸卒於家

